

Dionysius Sybilus Suda. De vita orbis habitabilis a
more seminis floris flora luvata regem latius
factus. Venetijs 1845.


Cesaris Tonnus Gentilis. Brevissum, et brevis
liber secundus. Romae 1865.

Declaratio Sybilus. et hancum brevis electum
venetiarum dilectum Cumen. Venetijs 1848.

Jacobo Christianus Vicentius. Cumen. Venetijs 1815.

Luca Antonio. Cumen habitus: et ad unum in rege
nima de factis pua notabili di Verona, et ad
principio. Verona. 1842.


Poimen Ludovicus. facti L. J. Ludovicus Cumen
Venetijs 1752.







DIONYSIVS LYBICVS POETA
DE SITV · HABITABILIS ORBIS
A SIMONE LEMNIO. POETA LAVREATO
NVPER LATINVS FACTVS.



VENETIIS . M. D. XLIII.

Cum gratia & privilegio.

MONYRIVS JARVIS POST
DE. 1714. HART 1717. 1718. 1719.
A SIMONE LEMIEUX BOOKS & PAPERS
1714. 1717. 1718. 1719.



1714. 1717. 1718. 1719.
1714. 1717. 1718. 1719.

AD INCLYTISIMVM ATQVE ILLV-

strissimum Principem ac dominum dominum Hercu-
lem Esiensem II. Ducem Ferrariensem IIII.

Simon Lemnius Rhetus Poe-
ta laureatus .

O Decus Ausoniae tantiq; supreme nepotum
Herculis, antiqua deductum gente parentum
Herculeum genus ænotriis dux inclyte regnis,
quæ rigat ambusli quondam Phaetontis amœnum
Flumen ad Heliadum frondesq; comasq; sororum,
Et ueluti pelago circumsonat arua fluenti,
Felix Alciden patriis uirtutibus æquas.
Nec minus ingenio clarescis fama; nomen
Herculeum gestat dudum cantata per oras.
Tu quoq; Pierias accedis cultus ad artes,
Ipse palatinus dictat tibi carmina phœbus.
Herculis his uirtus prisca superata recedit,
Maxime dux Latii, et magna dignissime laude.
Regnatorq; Padi, cui parent mœnia celsa,
Subditaq; imperio quæ circum rura columitur,
Qua tuus Eridanus tam pinguia prata frequentat,
Atq; uireta suo fluctu Bacheia radit.
Fœtiferosq; secans agros camposq; per omnes
Inde ruens falsum tandem decurrit in æquor.
O Italæ princeps celebrata potentia terræ,
Ausonidumq; Ducum non ultima gloria, sacris
Præsidium musis, et candida fama camenis,
Si uacat in tanto tantarum pondere rerum
Maiestasq; locum concedit uestra poetis.

Aspice telluris formam populosq; per orbem.
quæq; dedi placido mea carmina suscipe uultu.
Da mihi te facilem dederisq; in lumina uires,
Inq; tuas laudes sudabit gloria musæ.
quâlibet & grauior maestas carminis orsus
Vi lucescentis nimia splendoris obumbrat.
Attamen ipsa micat musarum fama parumper.
Ceu lunam solemq; inter quoq; sydera lucent.
Scyntillasq; suas suffundunt æthere phæbe.
Tempora nulla tua certabunt laude regentis
Et populos urbesq; sui iam principis acta
Laudantes pariterq; ultro tua iura tenentes
Et Phaetonteas seruant tibi fortiter arces
Virgo Astræa manus gladio munita, sed ipsa
Parte alia sælix residens clementia tecum,
Et cum iustitia uario prudentia casu
Peruigil & nunquam deses, intentaq; rebus
Assidue tecum retinens palatia celsa.
Virtutumq; chorus uestram comitatus in arcem
Imponens nitidam tibi iam de fronde coronam.
En urbes Athesisq; inter Phaetontis & undas
Exultant fama per te studiisq; mineruæ.
Candidiorq; sacris renitet Ferraria Musis.
Andreasq; tuus toto clarescit in orbe,
Romanumq; forum reuehit, legesq; tuetur.
O decus Andrea & gentis sua fama togatæ,
Gloria Pieridum, Græcæ spes unica linguæ.
Laude fori salue non concessure quirinis,
Arpinæq; decus non concessure papyro.
Eloquii latius uerbis tibi flumina manant.

Ingenioq; tuo est ætas superata minorum.
Hoc decus Italię prebes mitissime Princeps.
Pallados Ausoniam per te doctrina Mineruæ
Illustrat celebrem Phœbusq; nouemq; sorores
Deseruere iugum sedesq; Aganippidos unda
Italicasq; colunt tanto sub Principe terras
Magnifico q; geris titulos arcesq; gubernas.
Tota tibi certat regio de laude fauoris,
Atq; thronos celsos, et doctas suscipit oras.
Præside te fœlix permessidos unda mouebit.
Pierios cantus, totumq; Heliconæ cœbit.
Vt fluat in laudes Phocęus principis amnis.
Sub te iam melius rursus muscæ uirescunt,
In Latium ueniunt duce te de fonte Medusæ
Pierides muscæ, modo tu ne desine cultor
Esse, mihi aspices, nam uos coluistis et illas,
Quas canimus musas, audacibus annue ceptis.
Accipe Pieria nascentem laude poetam,
Atq; iugis patrię longo post tempore uatem.
Aoniosq; mihi duce te concede liquores.
Sit phas thespiadum tandem te principe sacra
Pandere, cumq; tuo titulo uolitare per oras,
Et latias sedes fama repplere recenti.
Lemnium Astræa cognoscet uirgine terras,
Pieriaq; uia musisq; uagabitur orbe.
Ardua et exiguo nimium sublimia uersu.
Tentabitq; humeris seu quæ Tityntius astra,
Seu gessit quondam multo præstantior Atlas.
Illis hæret opus nostrum, firmataq; uentis
Quæ fuso circum retinetur ab aere tellus.

Si par forsan ero tanto minus ipse labori.
Conscendat senior stellantibus æthera signis.
Nec semper tenuit ruituro pondere cælum
Alcides, simili quanquam ceruice subibat,
Sed donec paulum saltem requiesceret Atlas,
Machina quo melius mundi librata pependit.
Obstupuit celsi spectator ponderis Atlas,
Obstupeat pariter gestantes pondera musas.
Mireturq; simul uiolator rupe Pyreneus.
Zoilus ingenium miretur Zoilus artes.
Intrabitq; nouus parnassia culmina rumor.
Ibunt & mecum spectantibus orbe poetis
Pierides Musæ Parnassi sydera cliuis
Cernentes, stimulosq; mihi sub pectore condent.
Stelliferas sedes elementaq; prima sub orbe,
Aeriasq; globi metas primordia mundi,
Congeriemq; poli cælumq; sub orbibus Axis,
Æthereasq; uias solis cursusq; Dianæ
Cedo libens aliis, rerum non mota canemus
Principia & stabiles terras immobilis orbem
Pensile onus sortis medioq; sub æthere campos,
Ponderis & magni quæ pendet in aere tellus.
Æquoraq; oceani diuersis concita uentis.
quis terræ modus, & terræ quæ forma feratur.
An sit & immenso tellus finita sub orbe,
Quantaq; non æquis spatii concesserit undis.
Quanta sub occiduum solem seu tendat Eoum;
Siue Lycaonias quantum se tollat ad urfas,
Et pluuios iterum uersus se porrigat Austros.
Quæ noua quæ ueterum perflent exordia rerum.

Quanta sit ingenijs laus inde reperta superbis.
 Quid disilent ueteres, quæ sit noua Pallas in aruis
 Terrarum, quæ se nuper quoq; mole fatiget.
 Hinc canere incipiam uos uos Libetrides undæ,
 Vos iuga Parnassi, phœbi uos phocidos amnes.
 Vos Iouis Aonides mecum properate puellæ,
 Quæ colitis fontes pariter parnaSSIDOS ora
 Mnemosynes soboles dentissima numina Musæ.
 Pieriæ redeunt uestri si muneris artes,
 Ardua; inuentis adeo quæsiuit Apollo.
 Et uos Naiades Nymphæq; per æquora cana
 Ferte simul Dryadesq; pedem uiridesq; Napææ,
 Munera uestra cano. Tuq; ò cœlestis origo
 Vrania, & musis cœli sublimior axe,
 Cui deus & stellas & sydera iussit adire;
 Astriferosq; globos, & quærere syderis ortus,
 Diuersasq; rotas, & summa uolumina cœli,
 Quod tegit & terras circum camposq; liquentes,
 Aeriosq; situs & flammæ undiq; cinctas,
 Quas densum circo pariter super aera flauas
 Ambit æternum phœbe concessa moueri.
 Et liquidas nubes spissas Aquilonis & auras.
 Mensuras terræ numeroq; carentis arenæ,
 Ipsa mihi memora nec nostros desere cursus.
 Tuq; adeo interpres diuum Cyllenia proles
 Pande mihi uoces Graias sensusq; moueto.
 Adsis ò Pataræ fauens artisq; Minerva
 Inuentrix & res pariter uersusq; docete,
 Ducite per rerum causas elementaq; mundi.
 Vt mihi fama gerat cantatæ nomina terræ.

Deq; quibus pendet tellus æquata figuris,
Et quæ sine carent consistant æquora meta,
Et spatiis Cæli totum deprensa per orbem,
Ardua se uersu res tollat Apollinis alto.
Tu modo tu faueas Princeps dignissime musis,
Ingredere o mecum, nostras conare camenas
Euehere & laudem nostris meruisse libellis.
Sic tua perpetui mirentur sceptrâ nepotès,
Atq; diu uatis geslent tua nomina chartæ.
Dicite Pierides iam tandem dicite musæ.
Defessi toto tibi nuper ab orbe redimus,
Puppibus & longas transauimus æquoris undas.
Oceaniq; diu ratibus sulcauimus arua
Findentes salsos concreti gurgitis ætus.
Eoq; maris fluctus Gægetidos oræ
Attigimus gelido nantes Aquilonis ab axe.
Inde per Indorum campos & littora cûrua
Iuimus & medio spumantia mœnia fluxu
Vidimus, ac liquidas surgentia tella per undas.
Post quoq; Erythræas pedibus calcamus arenas,
Et pelagi madida furiosis puppe procellis
Currimus Æthiopum delati Prassode celsa,
Barbaricoq; sinu uariisq; erroribus æsti
Hesperii Oceani remos lentamus in undis,
Herculeumq; fretum, Sardoq; littora ponto,
Hinc Lybicas iterum Siculasq; accessimus oras.
Hic ubi dirripuit naues Zanclea Charybdis
Dum seuit circum latrantibus inguina formis
Scylla canum, subito petimus Sirenidas ipsas,
Mox fugimus scopulos pelagi, ferimurq; procella

Littus ad undosum sinuosa per æquora Circes
Læstrigonumq; domos, & præter labimur arua
Aniphantæ quondam lacerò crudelis Vlyssi.
Dulichia prius hinc nos uix enanimus arte,
Adriaciq; datas spumas salis ære ruentes,
Loniumq; uadum sporadesq; per æquora canas
Linquimus angustis iactati fluctibus Helles.
Prouehimurq; salo, claraq; Propontidis unda,
Cyaneasq; inter traiecimus æquora rupes,
Cimmeriisq; freti cursus Asiaeq; palludes,
Euxiniq; uias, & inhospita littora ponti.
Caspiadumq; sinus uarios & Persidos æstum
Emensi fluuios Tygrisq; Lyci & Araxis
Eufrataq; procul raucas superauimus undas.
Tum quoq; mirati septemplex hostia Nili,
Delatiqu; uadis cunctas peragrauimus oras,
Et populos, urbesq; simul camposq; patentes.
Tandem defessi notis succedimus aruis.
Nec tantum secuit maris arumnosus Vlysses,
Herculeusq; labor tantum telluris obuiit.
Ismeniq; pater Nyssæa laude triumphi
Liber agens sænas celsò de uertice Tigres.
Pellæiq; ducis uirtus dominata per orbem.
Atridæq; rates & clarus nauta Canopus.
Et quæ fertur opum uertisse Semiramis urbes.
Quiq; canum iacuit laceranda rapina per agros,
quamuis sætra Tagi tranauerit hostia puppi,
Lotophagumq; domos sotius intrarit Vlysses.
Æquoreasq; deas & pectora blanda Calypsus
Insolito fœlix tentarit amore puellæ,

Et tamen Athlantis iuxta plorauerit undas,
Pulsus & ad seuos se iunctos orbe Britannos,
Et glatiale salum, & concretas frigore lymphas
Germanasq; casas, & adiuerit arua relicta:
quid tibi Cimmerios referam, fluctusq; Charybdis,
Quid Ciconas tibi quid Scyllasq; ferosq; Cyclopas.
quamlibet & celebris Nemai fama leonis
Extremo posuit cantatas orbe columnas.
Atq; Saces laudant cum seribus Herculis aras.
Cadmeiusq; nepos uictum Gangeta choraeas,
Et Thyasos iussit mollesq; inducere Thyrsos
Ismeni uictor celebratus ab usq; fluentis.
Tantalidesq; nigros puppi concessit Erembos,
More feræ nudi degunt qui rupibus altis,
Et Meroen, Blemiosq; uiros, qui pectore uultus
Horrendum dictu sæui sine uertice gestant,
Thebaicas & opes, & Nili diuitis aurum
Legit, ubi tenuit Tyndaridos oscula Nymphæ.
Atq; Semiramidos famam gestauit Hydaspes,
Floribus aspergit diues quoq; Sugdias aras.
Viderit Hispanas Lybicasq; Philippicus oras
Mars, bello pariter fuscis penetrauerit Indos.
Terrueritq; Lycum Tygrimq;, & Cyrus Oaxem,
Casspiacasq; domos, & diros Marte Tapuros,
quadrupedumq; fero gaudentes sanguine gentes
Massagetum, rursus tam longis uersus arenis
Persidos ipse prius domuit Pactolon & Hermum
Deuictis Medis Persarum Marte potenti.
Nec tantas unq; calcauit Cæsar arenas,
Nec latium fœlix adeo præstantibus oris,

Quanquam terrarum circumtulit arma per orbem,
Cumq; suæ Romæ sonuit uictoria pennis.
Nec tantum Teuton nec iam Solymannus habebit,
Siue Sophos persis, seu nigris presbyter armis.
Nec qui Rex regum extremis iactatur in agris,
Nec matutinis populis Calecutius Heros.
Nec qui Niliacis quondam Soldanus in aruis.
Nec qui nunc genti Cæsar dominatur Iberæ.
Carolus occiduo Quintus regnator in orbe.
Magnificiue Heneti seu Celtica Lilia regis.
quantum iam breuibus calamis mea musa cucurrit,
Et Dionysæa musa se miscuit alta
Ausæ sequi ueteris pariter uestigia uatis.
quanquam non æquis adeo tibi passibus intret,
Ipsa uias tamen est prisce imitata poetæ.
Sensus inest idem uariantur uerba parumper,
Nec deerit nostris fulgor nec gratia chartis.
Spargeturq; meum Dionysi nomine nomen,
Nostraq; Thessiades implebit fama puellæ.
Excellat Lybicus longe præstantior author,
Est aliquid latiis legitur quod uersibus ille.
Si poteram ueterum satis est candore probari.
Vtq; sit haud facilis locus hac in sorte supremus.
Attamen & longe mihi laus erit esse sequutum.
Vltima concedunt etiam uestigia palmam.
Si sua stant Sili Musæ quoq; præmia uatis,
Et laus Emathios sequitur modo debita campos.
Et decus & latius miratur fama cothurnos.
Parpetuoq; suum iactat Verona Catullum.
Vt non hi doctum non æquet & ille Maronem,

Nulla Saphoræos superent ut scripta labores.
Vincant Nasonis liceat cum carmine lance,
Phryxæum tamen ite Elæccus ductus ouile.
Lascia coluit si Iulius arte Catullum.
Est si Roma iocos mirata et Bilbilis ora.
Quis spernat nostras musas grauiora canentes
Tu modo Phebeias lauros mihi candide princeps
Concedas, nobis nec sit mea charta rubori,
Nec meritis unquam pigeat certasse camenis.
Mæoniisq; faue musis, nos carbasæ uentis
Et dabimus puppem zephyri uelocibus auris.
Aonides famæ laudumq; cupidine flammant
Pectora, Castalias accedat Lemnius artes,
Spargat odoriferis musarum floribus aras,
Pægasæq; simul certet de laude corona
Tuq; adeo aspices nobis doctissime Princeps
Musarumq; decus cultorq; Medusidos undæ.
Inuidiam uincant claræ Tritonidos artes,
Perpetuam hic laudem pariter nomenq; sequere.
Quod si fama suis etiam manet una Poetis,
Nunquam carminibus nostris indictus abibis.
Qui coleret musas totoq; Helicone canentem
Præcipue inuentus Latio mihi maxime Princeps.
Tu quoq; Mæcenat pars nostri carminis ibis,
At non indecoris laurus sed uoce merentis.
Magna quidem res est ueteres ornasse Poetas,
Et Graiis pariter uersus fecisse Latinos.
Hunc Heleconiades Apio decorare puellæ,
Laurigerasq; comas musæ calamosq; dedere,
Versibus ut totum sacris depingeret orbem.

Quis resonant urbes fluminiq; & stagna lacuq;
Et populi syluæq; simul saltusq; nemusq;
Ruraq; cum campis, & certis finibus arua,
Terrarumq; situs & celsæ terminus undæ,
Oceaniq; sinus atq; æstus æquora circum.
Hæc tibi Pieria cecinit Dionysius arte,
Mirandaq; adeo pondus ceruice subiuit.
Quod bene uix ferret Getulus signifer Atlas,
Alcidesue poli subducta mole parumper
Astrikeris humeris Lybicus attolleret oris.
Cedite uos Latii, Craii uos cedite uates,
Hammonio Phœbi debentur fœta poetæ.
Vnus Parnassi sacris nutritus in antris
Hic inter flores hic Hippocrenidas undas,
Musarumq; melos syluis eductus in altis
Thespiadum carmen solus deduxit in astra.
Vnde globum terræ dimensus & æquoris arua,
Innumere statuit foret ut quoq; finis arenæ,
Oceaniq; sua meta consisteret unda,
Vtq; orbis terræ positus tibi terminus esset.
Neu foret obscurum quæ gens habitaret ubiq;
Quis flumini liquidus, uel quis foret accola montis,
Quis medio terræ sedes, quis & æquora iuxta,
Aut maris arctatis circum posuisset in undis.
Aut quis & Hesperias terras & haberet eorâs,
Sicubi forte nouis inuentis discrepet ille.
Sive aliter forsân Ptolomæus adiuerit orbem,
Sive mari potius terræ finiuerit oras,
Seu sit limitibus flauie non æquis arena.
Ipse scias illum ueterum mansisse sub ausis,

Posterior Nili de gente Canopicus ortus
Scriptor erat, prior hic fortis Dionysius hastas
Viderat Augusti Parthos uicisse feroces.
Sic locat Assyriam prope Thermodontos arenas,
Hic ubi Amazonidum flumini canit hostia celsa,
Post Chalybes inquit iuxta procurrit arenis
Assyriæ tractus. Cum Tigris terminet illam,
Sed Prisci Assyriæ Syriam cognomine dicunt:
Sic poterit Syriæ limes contingere terram,
Thermodoonteis flumini qua uoluitur undis.
Ast inter Medos et flumen Tigridis altus
Iunior Assyriam posuit Ptolomæus in arte.
Alterius Syriæ deducit ad usque Sinopen
Hic senior longo cursu Dionysius arua,
Cappadocas mediis campis, gremioque locauit,
Assyrios uero populos hic æquora iuxta
Littus Amazonidum prope Thermodontis et undas.
Quod uero retulit terram non esse rotundam,
Sed similem fundæ, medio quod latior extet,
Extremas circum quoque longior exeat oras.
Non adeo totam terram sic concipit ille,
Quæ ueluti perhibent, qui cæli sidera norunt,
qua patet, hæc offert omni se parte globosa.
Sed quæ sit forsitan melius deprensa per orbem,
Tum cum Pierio suscepit pondera uersu
Ad sua perpetuum deducens tempora carmen.
Quatenus et Prisco fuit hæc habitabilis orbe,
qua tendit sese longa cuneata figura,
Et Zephyros uersus et uentos uersus Eos,
Occidit Gades, et Gangis flumen Eoum.

Totius ueterum fuerat tum terminus orbis.
Nunc etiam inuentis rerum superata uetustas.
Et nouus oceani mediis consurgit in undis
Orbis ab occiduis nitido manantis arenis
Fonte Tagi, cuius iacet extra sydera tellus,
Americæ nuper clarescit nomine fama,
Bis quater illa gradus denos extenditur oris,
qua se longa situ propriis metitur & aruis.
quam uix uestputius, uix longa puppe Columbus
Reperit, & terram lustrauit littora circum,
Et quæ nulla fuit quondam Isabella per undas,
Hesperiiq; situ ponti Spagnola recenti.
Quin & Hyperborei uenit super ardua montis
Audax inuentrix nostri tibi temporis ætas,
Regnaq; tuta diu priscisq; incognita uidit,
Mœniaq; & populos, obscuraq; flumina quondam.
Horret ubi niuea glatie durata Gothorum
Terra, Lycaonias nimium quæ surgit ad ursas.
Vnde uenit Titan ultra Gangetidas oras,
Quæ quondam Sinarum regio fuit ultima priscis,
Maxima pars Asiæ terris se iactat Eois,
quas tacuit ueterum scriptis ignara Papyrus.
Nec sedes ullas, fluuios nec credidit ultra
Esse, sed hic finem cuncti sibi fecerat orbis.
Iam noua sceptrâ gerunt Regesq; ducesq; Catai,
Regnaq; iam populi nuper sibi celsa Charain
Extollunt, quæ sine latent dominata per arua.
quid Mangos referam, quid gentes solis Eoi.
Et matutino quæ cingitur India fluctu
Altior, & pluuios quæ se protendit ad austros.

Extra eoa patens medio iacet Insula ponto
Magna minorq; maris quæ iungitur æquore Iana
Extremasq; ultra terras secat unda Zypangri.
Ausæ etiam Æthiopum terras lustrare carinis
Turba Tagi, et falsis confusus Portugal undis,
Hesperiosq; sinus auris intrare secundis,
Et supra Æthiopas, supraq; Menuthida celsam
Quærere nigrantes populos, obscuraq; fama
Nomina terrarum Phæbeis cognita flammis,
Æthiopasq; alios, et capri subdita stellis
Flataq; sub uentis procul hinc australibus arua.
Antipodasq; noti spectantes lumina circum,
Arcanumq; polum nostraq; incognita uisu
Sydera sub pedibus stygioq; micantia regi.
Caspia non gelidis flant marmora iuncta procellis,
Præssia Cattigeræ non amplius æquora rupes,
Continua sectas ponti tellure per undas
Iungit, ut antiquis quondam male prodidit error,
Ætalis melior dedit experientia nostræ,
quæ Cœli medio consilii in aere, terram.
Hæc cecini breuius forsân maiora daturus,
Si mihi si fuerint palatia plena fauoris.
Mitia si nostræ tu feceris otia musæ.
Candide regnator Latii gentisq; togatæ,
Cui paret doctis celebris Ferraria musis,
Subditaq; imperio regitur Phætondidus undæ
Vbere non aruis tellus cessura latinis,
Vatis Cumææ Dii dent et Nestoris annos,
Di regimen sælix tibi dent cursusq; secundos,
Dij; diu fatiant urbes populosq; gubernes.

Dionysii

DIONYSII LYBICI DESCRIPTIO

Orbis habitabilis, A S. Lemnio Rhetor
nuper translata.

P Rincipio terras & aquosi littora ponti,
Et fluuios populosq; canam, & cum manibus urbes,
Mox etiam oceani fluctus atq; æquora circum.
Tota uelut magno tellus iacet insula ponto.
Ambitæq; sinus circundant littora terra.
Illa sed immensa est mediis super æquoris undis.
Aethere qua pendet pariter circumfluus humor.
Orbis ubiq; sui non est tamen ambitus illi,
Sicubi inaccessas tellus quoq; præbet arenas.
Quaq; patet Phœbi siccis uia torrida flammis,
Parte sui magis hac tenuis se reddit acutam.
Tota nec ipsa quidem est circum circaq; rotunda.
Versus iter solis tendens arctatur utrinq;
Et similis funda media protenditur unda.
Sit licet una, tamen ternis dant partibus unam.
Primaq; arenosis nimium sitit Aphrica campis.
Post Asia, & gelidas Europa madescit ad arctos.
Europam à Lybicis limes qui separat oris
Tendit in obliquum ductus sub tramite curuo
Occiduae Gades, Pharii simul ostia Nili.
qua Pelusiacas septeno gurgite ripas
Atterit, & pelago fluuius premit arua sonanti,
Donec in æquoreis defessus mergitur undis.
qua patet Aegypti postremus ab ore recessus.
Niliacusq; suo confunditur æquore fluctus,
Laudat Amyclei templum quoq; fama Canopi.

Europa hinc Asia Tanai disiungitur amni,
Qui per Sarmaticas fugiens delabitur oras,
Irrigat & Scylicos resonanti flumine campos,
Diuisoq; petit tunc ore Maotidos æquor.
Alta Lycaoniis loquitur quem fama sub ursoris,
Ad boream Tanais, sed & Hellepontus ad austros
Diuidit, & medio consiliit in æquore limes.
At procul extremus se tendit ad ostia Nili
Terminus, & propius calidum declinat in axem.
Sunt quoq; qui terræ disiungunt limite partes.
Ultimus est oris protensus & Asidos isthmus.
Alluit Euxinus sinus hinc, sed Casspius illinc.
Europæ atq; Asiæ finem dixere priores.
Qua Phasis fluctus, qua fluctus uoluit Araxes.
Rursus ab Arrabiæ fœlicis, & Isidos undis.
Longior est isthmus sed magnæ terminus oræ,
Qui dirimit Lybicos agros Asiatide terra.
Hæc de limitibus ueterum docuere camenq;
Qualibet oceanus undarum mole perennis.
Labitur & fluctus semper sequiturq; fugitq;
Hac illac rapitur fluitantis & æquoris unda.
Et maria oceani magnas obeuntia terras.
Qui licet est unus uario sed nomine latus
Multarum decus & titulos hic iactat aquarum.
Namq; sub occiduo qua littora sole tepescunt,
Et loca quæ Zephyris agitantur proxima uentis.
Alluit Oceanus tepidis Atlanticus undis.
Qua superas niubus Scythias septemq; triones
Inuasit Boreas, ubi sæuis horrida campis,
Et gens Marte furens Arimaspi bellica pubes.

Dicitur esse fero concretus frigore pontus
 Qua gelidas Algor reddit Saturnius undas,
 Mortuus hic glatiale liquor quoq; dicitur æquor.
 Quippe auersus equos scyticis sol tendit ab aruis,
 Tardius istius luceſcit & æquoris oræ,
 Nubibus Assiduus denſoq; sub aere Phœbus
 Conditur umbrarum tenebris archatus iniquis.
 Vnde diem primum reuehit mortalibus agris,
 Indicus oceanus fluctu ferueſcit eoo.
 Et mare Erythræis prope rubrum funditur undis.
 Aethiopumq; sinus circumfluit arua sub æſiris.
 Hic deſerta iacent, & non habitabilis orbis
 Planities ſiccis nunq̃ non arida glebis,
 Vſtaq; sub calidis ardeſcunt ſolibus arua.
 Sic totam oceanus circumdedit undiq; terram
 Tot populos arcens tot circum littora gentes.
 Tot pariter uario ſortitur nomina fluctu.
 Inde ſinus ductos eructat in æquoris undas,
 Qui maris immenſi tum parte feruntur ultraq;
 Exigui plures quatuor ſed gurgine magno.
 Diuerſaq; rigant madidos aſſergine portus.
 Primus ab Heſperiiſ infunditur æquoris alueis,
 Qui Lybiciſ actus Pamphyliſ alluit oras.
 Deinde alius qui Sarmaticis infuſus arenis,
 Et reliquos inter fama ſupereminet omnes,
 Non longo ſcyticos ambit licet æquore campos.
 Hic fertur ualidis Boreæ ſuper arua procellis
 Sparſus ab arctoo concretis frigore lymphis.
 Hoc ſinus excelsis demiſſum fluctibus æquor
 Caſſius admittit fluuij; ſuperbit aquarum.

Huic maris Hircani nomen fecere poeta.
Tum duo de Lybica decurrunt æquora meta.
qua sol flagrantes medius transcendit ad axem.
quorum alter tamen inferior sublimior alter
Persica compulsus spumescit littora circum
Cassius aduersus super hunc circumfluit humor,
Arrabicusq; sinus resonans prope perfidas undas,
Longius ad pluuios tamen ille refunditur austrum,
Longius Euxini tendunt uada liuida ponti,
qua nimium sæuis boreas circumstrepit armis.
Hæc adeo mediis clauduntur & æquora terris
Et maiore natant circum sua littora motu.
Quin his plura breues arcent angusta meatus.
Iam maris Hesperii fluxus tractusq; recuruos,
Occiduumq; canam sub amaro gurgite litus,
qui sinibus curuis fluitat pelagoq; reflexo
Diuerfas liquidis oras interluit undis.
Hic uirides circum delabitur æquore terras,
Illic radices montis proiecta q; saxa
Radit, & æquoreas collectim proiicit algas.
Mœniaq; undosus interdum præfluit alta,
Vnde procellosa spumant aspergine cautes.
Vos mare difficilesq; uias mihi dicite musæ
Dicite carminibus; gaudetis carmine musæ.
Principio hesperii freta dicite concita uentis,
Splendida surgentes ubi lambunt astra columnæ,
Et postrema ducis porrecta est Herculis ora.
Dorica ad extremas hæc stant miracula Gades,
Atlantisq; meant super æthera uertice celso.
Aeneus hic etiam nubes superare colossus

Contendit, pariter caput inter sydera condit.
 Hic sinus est primum subeuntis Ibericus undę,
 qui tenet Europę uix littora prima sequutus.
 Incipit hic etiam Lybię contraria tellus.
 Quas inter medius sinus influit equore curuo.
 Hinc atq; hinc cęlo surgit porrecta columna.
 Hęc Europęas sic illa lybiſtidas oras
 Spectat, & ambarum latus arcet utruq; metallis.
 Excipit equorea sinus hunc prope Celticus unda,
 Candida Maſſylię ſternunt ubi mœnia fluctus,
 Et tutum nautis tellus facit hoſpita portum.
 Debinc aqua confundit uicina Lygiſtias equor.
 Hic Itali pingues exercent uomere campos,
 Atq; premunt cultas lætę telluris arenas.
 Auſonii fortes clarum genus ab Ioue ſummo.
 Maxima gens bello ſemper dominatur, & armis.
 Diuerſas magni terras circumſonat orbis.
 Auſonię tellus boreali exordia uento
 Sumit, & ad Zancles iſthmo protenditur undas.
 Candida Trinacrias rident ubi ſaxa procellas
 Saxa freto ſiculo nunquam conceſſa moueri,
 Corſica dehinc ſalſos moto capit æquore fluctus,
 Hunc ſuper inde ſinus Sardous amarior unda
 Rauca ſonans altos Tyrſenidos implicat aſius.
 Verſus aquas Auſtri Thyrrhenum labitur æquor,
 Sed matutino ſolis rutilantis ab ortu
 Pręrupto ſiculum incumbens mare fluctuat iſſu,
 Littoraq; undofi premit inferiora pachyni.
 Porrigiturq; ſinu, qua currit in æquora rupes
 Creſſa ſalis tumida dans murmur adeſa ſub unda.

Et qua Gortynæ surgunt & mœnia Phœli,
Illa solo sacro cliuis hæc condita celsis,
Lanigeræ pecudis referunt in uertice frontem,
Arietis hæc igitur dixere cacumina Graii.
Atq; sinus Calabri petit hinc & Iapygos oras
Adrias emissio fluxu qua panditur unda
Et boream uersus defertur flamine uenti,
Inde sub occiduos refluit porrecta recessus,
Ionios fluctus hunc dicit & accola pontum.
Porrigit & binas circum sua littora terras.
Ad latus ingresso dextrum patet illyris ora
Dalmatici super hanc agri campiq; iacentes.
Quos arat infani bello gens feruida martis.
A læua Ausonidum uasus protenditur isthmus,
Qui latus effuse spargens excurrit utrunq;
Hinc atq; hinc ternis circumfluius amphitritis
Adriados, Siculæ, & Thyrsenidos æquore salso.
Quodlibet aduerso recipit conamine flatus,
Tyrrenum Zephyros, Euros amat Adria uentos,
Sicanum pluuiis semper iactatur ab austris.
Hic supra Siculas feruescunt æquora terras
Concita per littus Lybiæ sirtesq; malignas.
Altera plus calidum diffusa liquefcit ad eurus m,
Altera arenoso se continet arcta meatu,
Interiorq; notos pelago petit & fugit Euros,
Excipit & longe uenientes æquore fluctus,
Hei mihi quo gemitu reboant sub gurgite syrtes,
Montibus è ficulis Crete deuoluitur ælus,
Et procul auroram uersus Nabathæaq; regna
Spumiferam usq; fluens pelago Salmonida rupem,

Solis equos Cretæ mons hic prospectat eois.
 Bina etiam ulterius horrescunt æquora uentis
 Ismatici Boreæ furiosis flatibus acta,
 Cuius descendunt recto spiramina tractu.
 Illa sed oppositæ spumescunt marginis unda.
 Tum pharia a nautis dicuntur & æquora prima
 Porrecta ad Casii posirema cacumina montis,
 Altera sidonias torquent ad littus arenas
 Per nitidæ terræ curuos infusa recessus.
 Frugiferasq; abeunt Cilicum pulsata sub oras.
 Urbis & hinc Issi labens prope mœnia celsa
 Issicus ipse sinus gelidas Aquilonis ad auras
 Vergit in immensum fluctu curuoq; meatu.
 Nam prope iam Cilicum tenebroso limite terræ
 Cessat, ubi torto flexu demittitur æquor,
 Irrigat & salsum maris hic aspergine littus,
 Quia Zephyri molles & spirant leniter auræ.
 Ceu draco curuato maiora uolumina tergo
 Serpit, & ardentes oculos & lumina toruus
 Sanguinolenta pedem lento facit agmine serpens.
 Quo ueniente simul montes tum mole premuntur.
 Sic quoq; curua sinus torquetur in æquora fusus.
 Hinc atq; hinc fessas onerosa fluentia sub undas
 Accipit immittens uicinis hosiua campis.
 Huius & obiectum Pamphylius accola circum
 Rura colit, contra patrio iacet insula fluctu
 Tensa Chelidoniis extrema sub æquora pratis.
 Vltimus ad Zephyros procul hinc procurrat amœnos
 Terminus, & longe signat Patareida rupem.
 Inde plagas uersus gelidas septemq; triones

Aspice quàm latus simul hic Aegeus inundet
Pontus, & obiectæ diuisum margine terræ
Rumpat aquas Sporadum resonanti murmure litus.
Tales nulla quidem tam commouet alta procellas
Vnda maris tanto sonitu fluctuq; strepenti.
Vltimus ad Tenedon producitur æquore limes,
Hic sinus immensas Aegeus terminat undas.
Altera pars maris hinc fluctu premit imbron aquosam.
Vnde fretum resonans angustio labitur ore,
Totius est intra spumosa propontidis arua
Qua boream spectat, super hanc immania gentes
Rura tenent Asiæ Lybicos porrecta sub austros.
Amplius ubi uiridis terræ præstenditur isthmus.
Post hanc Threitiis feruescit bosphorus undis,
Arctæq; uentosis hic porrigit ostia uelis.
Hoc innare fretum iussu Iunonis iniquæ
Bucula sustinuit quondam quoq; flebilis Ino.
Quo non ulla fretum circumfluit arctius unda,
Illa sonat magnæ terræ quacunq; per oras.
Aspera Cyaneas ubi fama per æquora petras
Errantes circum sauo cum murmure fluctus
In sese ferri, spumareq; saxa per altum.
Ex hoc immissus spatioso gurgite pontus
Rauca sonans tumido fluctu prope tendit aquarum
Auroram uersus rosei quoq; solis ad ortus.
Cuius in obliquos procurrunt littora flexus,
Qua spectat boream, phæbum qua spectat eoum.
Iam duo de medio surgunt iuga littore ponti.
Hoc sublime notis uentis dixere Carambin.
Illud in Europæ terris Aquilonis ad auras

Arietis undosa rupis uocat accola frontem.
Hæc aduersa sibi recto sub limite surgunt.
Contiguo tamen hæc non sunt sibi proxima cliuo.
Sed tanto distant undosa per æquora cursu,
quantum onerosa potest ternis innare diebus
Nauis, & in uiridi secta trabe currere ponto.
Hic bimaræ ponti iuncta æquora bina uideres,
Et uelut curuus neruo cum tenditur arcus.
Porrigitur curuatq; sinus sua littora circum,
Terminus hinc atq; hinc nerui, sit dextera ponti,
Qui tamen è cliuis ducatur tramite recto.
Littore de medio est ponti porrecta Carambis.
Signati tamen hæc iacet extra limitis oras,
Et spectat gelidi niueas Aquilonis arenas.
Utq; mare est dextra sic æquora curua sinistra,
quæ duplici flexu curuantur, ut arcus habena
Flectitur, & ualido deducit cornua neruo.
Posse etiam ad boream Mæotidos unda paludis
Labitur effuso sinuosa per æquora stagno.
Torta Scythæ degunt gelidi sua prædia circum,
Et brumale lacus captant in margine frigus,
Gens populosa niues glacialibus accolit aruis.
Hi ponti matrem dicunt Mæotidos undam.
Vnde sonans magnus numeroso gurgite fluctus
Labitur in latum uicina sub æquora pontum.
Tot bene cimmerius demittit bosphorus undas.
Quem prope cimmeriis habitat gens maxima campis,
Quæ pede sub gelido tauri male friget in agris.
Sic Amphitrites ambit circumflus humor,
Cærulei oceani talis quoq; forma per undas.

Iamq̃ canam terras, spetiemq̃; habitabilis orbis.
Singula quo possis doctis memorasse camenis
quamlibet ipse minus peraratas uideris oras.
Hinc tibi magna simul ueniet reuerentia quondam,
Surget & huius honor clarus, nomenq̃; decusq̃;
Si bene rettuleris terras alienaq̃; rura.
Dum tibi qui nescit narrantis pendet ab ore.
Omnia cum facilis facunda dixeris arte.
Iam Lybię calidos humus inclinata sub austros,
Atq̃ Euri flatus porrecta recessit Eoos.
Qualis inæquali est laterum discrimine mensa,
Principio occiduis extendit Gadibus arua,
Oceani tepidas qua se cuneata sub undas
Porrigit extremo maris hic protensa recessu.
Latior Arrabicum limes procurrit in æquor
Hic ubi non æquis habitant sub solibus agros
Aethiopes nigri, quos iuxta litus Erembi
Saxaq̃; dura tenent nudi sub rupibus altis.
Sic spatia esse huius narrant æqualia tergo
Pardalidos, cuius sicca est atq̃; arrida pellis
Tincta nigræ passim maculoso tegmine squamæ.
Aspera terra illic, siccis quoq̃; torrida glebis.
Ast hinc extremæ gentes in littore curuo
Rura colunt altis prope culmina nota columnis,
qua seges & fructus Maurusidos eminent ora.
Hos ultra Nomadum retinent immania gentes
Arua, Masæsylii qua tondent gramina campis,
Et pecora effusus pascun Masylees in agris
Cum pueris pariter quærentes pascua bubus,
Aut uaria cingunt uirides indagine per colles,

Raraq; desertis extendunt retia syluis.
Dum male agunt prædas timidi sub lustra ferarum,
Atq; dapes misere uenantur sola per arua.
Non illis circum glebas proscudit aratrum,
Nec longi per agros ducuntur uomere sulci.
Non iucunda rota est non axis plaustra sonantis,
Nulla bouum redeunt illis armenta, neq; agris
Mugitus tollunt ad candida tecta regressa.
Sed passim syluis errant de more ferarum.
Ignari curua segetes incidere falce,
Plenaq; fecundas deferre sub horrea messes.
Hos contra laterum obiectu Carthago sub alto
Includit portum statio gratissima classis.
Carthago quondam Tyriis habitata colonis,
Carthago Lybicas celeberrima fama per oras,
quæ metata bonis tergo sua mœnia cinxit.
Nec procul inde citos deuoluit in æquore fluctus
Sirtis aqua breuior. post hanc quoq; maior Eoæ
Inclinata plage Syrtis grauioribus undis
Fervida profluvii pelagi crebraq; procella.
Hinc mare Tyrrenum, feruent & concita uentis
Aequora. iamq; æstu fluxuq; tumescit aquosa
Syrtis, mox iterum decrescens aret utrinq;
Sape aliquis siccis hic puppe cucurrit arenis.
quas inter medio sunt condita mœnia campo,
Mœnia, ceu perhibent, formosa Neapolis urbis.
Hic ubi Lotophagis habitat candida terra;
Iuris & hospitii celebratur fama per oras.
Venerat huc quondam uariis erroribus actus
Aequore classe. secans procul ærumnosus Vlysses.

Cuius in aduersis notuit prudentia rebus.
Iam quoq; in his spatiis deserta palatia cernas,
Et quondam celsis Nasamonum turribus arces,
Quos post Ausonidum uirtus bene contudit hasta.
Auerfusq; oculos tenuit tum Iuppiter Ammon.
Hos contra Asbyflæ mediis uersantur in aruis.
Hic Lybici sacra templa dei celebrantur arenis.
Cyrenesq; ager hinc magnus generator equorum
Vrbis, Amyclææ quæ uenit origine gentis.
Hic prope Marmaridæ succedunt Isidos oræ.
Getuliq; tenent Lybiæ tum desuper arua.
Altera rura colunt tamen his uicina Nigretes.
Post etiam iuxta hos habitat Phaurusia proles.
Quorum lata super siccis Garamentes arenis
Rura premunt uasti syluis gens maxima campi.
Extremi Aethiopes terræ secessibus errant.
Est nemus adiunctum syluis peregrinaq; tempe,
Hoc prope ad Oceanum feruescit & ultima cerne.
Tum quoq; feruenti Blemiis à sole perustis
Montibus excelsis lapidosa cacumina surgunt.
Vnde fluunt pinguis stagnantia flumina Nili,
E Lybia uersus terras proserpit eoas,
Syrus ab Aethiopum fluuius quoq; gente uocatus,
Accola sed Nili fecit mutata Jyenes
Nomina. Deinde trahit fluctus Aquilonis in auras.
Mox quoq; diuersis hinc illinc spargitur undis,
Hostiaq; emissus septena sub æquora mergit.
Irrigat ægypti sacundo gurgite campos.
Quo non usquam alius maiori uoluitur unda,
Nec tam fatifero pinguescit pascua limo.

Nec tanto ditat florentes ubere glebas.
Hic etiam dirimit lybicas asiaticæ terras.
Ad lybicos lybiam, Nabatheos asida uentos.
Accolit hunc ripis rerum gens maxima fama.
Quæ docuisse uias, & mores prima dedisse
Dicitur, & leges uitam monstrasse colendi.
Primaq; dulce iugo tauri tentauit aratrum,
Et ductis per agros commisit semina sulcis.
Hæc dimensa polos radiis tum prodidit orbem.
Ausq; prima sua stellas percurrere uirga,
Obliquasq; uias solis curuosq; meatus
Extulit ingenii cæli sub sydus acumen.
Huius fert animus fines describere terræ,
Et non ignotæ telluris dicere formam.
Non est exigua laudis nec carminis illa.
Nec paruas immensa iugis extenditur oras.
Verum alias inter sælita pascua bubus
Præbet agris uber, latis & florida pratis.
Deniq; læta suis ditescunt omnia campis.
Forma tamen latera hic circum tria magna cucurrit
Amplius ad boream processit littora circum.
Sed latus auroræ rutilantes spectat acutum
Luce faces tractum circa iuga celsa Syenes.
quod montana iugis præruptaq; claudit utrinq;
Condensò nemorum munita cacumine sylua.
Vnde iocose tuo descendis flumine Nile.
Huius rura colunt plures opibusq; superbi.
Et qui niliacæ clarissima mœnia Thebes
Thebes antiquæ, centum quæ condita portis.
Rauca sonans matrem Memnon ubi mane salutat,

Cum surgit roseis aurora inuicta quadrigis
quiq; colunt inter medias Hec tapolin oras.
quiq; notos uersus sub aquoso littore ponti
Aequoreis habitant sinibus uicina per arua.
quæ protenduntur Sebronidas usq; paludes.
Huius & ad Zephyros urbs est celeberrima uentos
Dicta Pelethronii quondam cognomine regis.
Celsa Sinopitæ Iouis est ubi condita sedes.
Atq; auro radiant pretiosa palatia templi.
Non equidem in terris uideas diuinius illo,
Clarius antiqua nec religione deorum.
Diuitiis ue aliam cernas maioribus urbem.
Hic etiam speculæ Pallenidos Idotheæ
Visuntur. posthanc tepidas orientis ad oras
Niliati fluctus iuxta Casiotida petram.
Pelusii gens Prisca probat sibi Peleos arces.
Pelusii docti celeres agitare carinas.
quos tamen ad Lybicas iam non numeramus arenas,
Auroram uersus habitant sub mœnibus urbes,
Qua fluit immensus septeno uortice Nilus.
Præterea Lybiæ plures hæc rura frequentant.
Oceani calcant qui littora curua uadosi,
Et quos in mediis alit ingens Aphrica terris.
Quiq; lacus circa & Tritonidos arua paludis.
quæ diffusa sinus longa sub margine curuat,
Et medium Lybiæ notis prope terminat undis.
His patet ergo tibi nunc Aphrica tota figuris.
Quinetiam Europæ forma signata recepta
Nosse potes forsân si tu dignaberis arua,
Et didicisse plagas, ne te celabimus unquam.

Est eadem gelidas nisi quod se uertit ad arctos.
Atq; iterum terras uersus sic tendit Eoas.
Vt Lybiæ est etiam periturus terminus oris,
quæ nebula cæli pluuiosq; madescit ab austro.
Vtraq; postrema pariter uestigia meta
Liquit ad Auroram porrecta sub Afidos arua.
Illa notos petit, hæc Boream. si feceris unam
Has ambas terram, nimirum nota figura
Illa foret cui partes æquata sub ipsas.
Altera sub Zephyros, Euros petit altera uentos.
Proxima quæ coris cuneatum tendit acumen,
Altera lata subit medias orientis in oras.
Ambarum tales si noueris esse meatus
Terrarum, facilis tibi tandem Europa patebit.
Angulus est huius toto postremus in orbe,
Hic ubi summa petunt surgentes astra columnæ,
Quem colit ad fluuii ripas gens fortis Iberi.
Tenditur in longum uarias porrecta sub oras
quæ Boreale salum gelidis effunditur undis.
Littora ubi oceani uertunt extrema Britanni,
Et Germana ferox bello gens dedita Martis,
Candida cui facies et candida membra nitescent.
quæ nemora Hercyniæ syluæ saltusq; pererrat.
Hæc sed terra bouis reddit sub imagine tergum.
Montibus hos iuxta surgunt iuga Pyrennea.
Hinc quoq; Celtarum sublata palatia fumant.
Quarigat Eridanus per amœno flumine prata.
Hic ubi desertæ per amica silentia Noctis
Heliades quondam deslerunt fata sorores
Lugentes ripis lapsum Phaetonta sub altis.

Iam quoq; populea nati sub fronde sedentes
Celtarum lachrymas, radiantis & arbore stillas
Electri carpunt aurum simulante colore.
Post hunc Hetruscæ sedes campi; patentes,
Aruaq; florescunt circum tyrsenidos oræ.
Huius ad auroræ radios roseasq; quadrigas
Incipiunt alpes partesq; uidentur in omnes.
Quarum de medio decurrunt flumina Rheni,
Et tandem celerant Borealis in æquoris undas.
Post Rhenum deinceps oritur sub montibus Ister.
Ister aqua celebris resonans orientis ad oras.
Ore euxine tuo gelidis confunditur undis.
Hic euxine tuum spumas emittat in æquor.
Hostia qua Pence deuoluit littora circum
Quina sonans raucum pariter fit murmur aquarum.
Huius & ad boream latis gens maxima campis
Ordine tecta colens diuersa per arua domorum
Hostia ad ima sacra mæotidos usq; paludis.
Germani, gelidique, asper tum sarmata ruris,
Et durus geticæ populus qui præsidet oræ,
Bastarnæq; feri, daciq; patentibus aruis,
Atq; alacres iuxta montes & litus Alani.
Quiq; colunt Leucam cursumq; immanis Achylis
Taurica gens arcto sed longo margine ducta
Et scytici simul hinc porrecta sub hostia stagni.
Hos super aptus equis campus protensus alanis.
Rura melanchloeni uertunt hæc dura ligone,
Et quæ mulget equos gens hoc quoq; nomine dicta,
Neuriq; hippopodesq; citi piætiq; agathyrsi.
Quiq; niues calcant & roscida rura gelonis.

Frigida

Frigida qua terras rigat unda Borysſthenis amnis,
Donec in Euxini delabitur æquora ponti,
Arietis aduerſa ſub fronte minantis in altum
Cyaneas contra directo tramite petras.
Illic Panticapæ fluiui, Aldiſciq; liquores
Murmura ſe iuncti Riphæis montibus ædunt,
quaq; ſuos uoluunt fluctus glatiale ſub æquor.
Diuitis Electri grato ſplendore colores,
Ceu radiat fulgor naſcentis cornua Phœbes.
Nec procul hinc uideas nitidas Adamantis arenas,
Qui legitur circum duris gelidisq; Agathyrſis.
Tot tibi littus arant gentes Aquilonis ad auras.
Qua ſpumofus aquis fluuius reſonantibus Iſter
Labitur, & pelago tandem miſcetur amaro.
Ad latus inde noti fortes in prælia Rheti,
quiq; tenent muris hinc Norica mœnia tutis
Pannoniisq; uiri Myſſisq; Aquilonis ad axem
Exteriore ſolo quam ſint ſua Thracibus arua:
quin ipſi Thraces diſſuſa per æquora campi
Littus arant illi glatiale propontidis undæ.
Hi ſuper anguſta proſcindunt iugera terra,
Velox Argolicæ qua pontus fluctuat Helles
Atq; alii iuxta littus feruentis arenæ,
Qua gemit Aegæi reſonantibus unda procellis.
Hic ubi mellilegæ pallenes ſaxa ſub ipſa
Naſcitur Aſterius claro fulgore lapillus.
Nam uelut aſtra nitet flammas imitatus Eoas,
Vtq; lucerna micans rutilantibus ignibus ardet.
Tot populi degunt Iſtri inter flumina nota.
Iamq; alios tractus Europæ aliosq; meatus

Aspice, quàm sese triplici de littore tollant
Vsq; sub auroræ protensi luminis ortus.
Primus ad oceanum tepidis habitatur Iberis.
Deinde etiam qui urbes & Achaica rura coerces.
Tertius Ausonii dudum se susulit armis.
Sed tamen extremus claris se iacetat Iberis,
Hesperus oceanus qua littora proxima radit.
Atq; Alybe extrema fumosa columna sub ora.
Erigitur summum caput inter nubila condens.
Fertilis est infra campis Tartesus amœnis.
Et Pyrenæis Celtæ sub montibus imas
Circa radices habitant. Dehinc Ausonis ura
Porrigitur medio Europæ sub limite terræ.
Hinc Hispanus habet, illinc & Achaicus arua,
Ambarum hæc spatia est inter ditissima tellus,
Quam medii longo disiungunt tramite montes;
Addita directe ueluti cum metat amissis.
Palladis haud sacra quicumq; peritus in arte
Hoc opus hoc ingens naturæ carperet ullus,
Hunc Appeninum dicunt cognomine montem.
Ille niues canis condensas Alpibus ortus.
Spumescente freto siculas procurrit in undas.
Hunc circa innumerae gentes quoq; rura frequentant.
Quas tibi nunc omnes & quo licet ordine dicam.
Principio latus occiduum Zephyritidos oræ
A Borea surgens Thyrrhenis imminet aruis,
Thuscus arat, post hunc gens hic antiqua pelasgum,
Quondam Cyllene Hesperium quæ uenit ad æquor,
Hic inter latios posuerunt mœnia Thuscus.
Hinc iuxta celebres habitant quoq; rura Latini

Florida prata rosis & amœna uireta colentes.
Inter quæ liquidus leni fluit agmine Tybris,
Et nitreos uoluit uicina sub æquora fluctus
Hesperidum Tybris fluuius regnator aquarum,
Tybris amœnus aquis, Tybris pulcherrimus amnis
Per mediam serpit lœtanti flumine Romam.
quæ rerum domina est orbisq; superba uoluptas,
Diues opum mundi dignata potenter habenis.
Rômulidumq; lares, & sedes inclyta regum,
Vrbibus & mater cunctis opulenta per orbem.
Regificusq; Thronus populis, soliumq; potentum.
Et prope campanis agri campiq; patentes,
Aruaq; tum sacro rident falicia Bacht.
Hic ubi Parthenopes castæ sacra templa manipulis
Spicarum densis, fertoq; reuincta recenti,
Quam sibi pontus aquis gremioq; recepit amantis.
Hinc procul ad pluuios auris feruentibus ausiros
Sirenium supra scopulos firenidos undæ
Et picentini filari petit æquora flumen.
Post quoq; Lucanus, tenet & post Brutius arua.
Qui terras habitant porrectaq; rupe sub alta
Rura, extensa illis siquidem arua huc usq; recedunt.
Mox etiam ad Boream spumosa æstergine cautes,
Et Zephyri sublime apparet in arce cacumen.
Sub quo Naritii posuerunt mania Locri,
Qui quondam Ausonio profuga cum coniuge portus
Intrarunt ratibus, qui iam quoq; curua frequentant
Littora, qua pelago se miscet liquor Halecis.
Deinde secat Græcas populus Metapontius undas
Et prope formosæ tolluntur cuncta Crotonis,

Quæ quondam pulsæ habitantur mœnia Graiis,
qua sibi confusum rigat Aesærus æquor amœnus,
Præterea celsis se diua Lacinia templis
Tollit, ubi montis pendentia saxa uideres,
Illic & Sibaris crudelia funera deflens
Infelix queritur ciues atq; aspera fata,
Cultoresq; suos bello cecidisse superbo.
Qui fecere manu pugnas sine more furentes.
Muneraq; Alphæus celebrabat Olympica ludis,
Mœnia cum Sybaris fuerant exempla pelasgis
Luxuriæ largas Iouis indignantis habenas.
Et celeres Marfi, & iuxta æquora molle Tarentum
Fortis Amyclæo quæ quondam condita Marte;
Quæq; Therapneis urbs est habitata colonis,
quiq; colunt pinguis telluris Iapyges agros,
Vnde Hyrium usq; petunt & Iapygis æquora circum.
Qua flestit salfas iuxta uagus Adria spumas
Ad faciles tortus uicini littoris undas,
Confususq; suis Aquileion irrigat æquor
Fluxibus, Hic celebris Tergeslum condita sedes,
Quæq; Tegestræis extremo lymphæ recessu
Lymphæ maris cani prope fluctuat æquore curuo.
Ausonias habitant adeo tot littore gentes
Oras, Ausonios & amœna rosæta per agros.
Hinc quoq; ad auroram deflestit in æquore cursum,
Littoraq; aduersus porrecta Liburnica radit
Rusq; Hyllæorum, munitaq; mœnia circum
Quæcunq; Ausonium simul inclinata sub Isthmum
Italicas superis undis uertuntur ad oras,
quæ quoq; Bulineo succedunt littore terræ.

Illyridos circum syluas incultaq; rura
 Inuoluens curuo sinuosa uolumina ponto,
 quo simul immensus feruescit ductus aquarum
 Vsq; ad celsa iugis umbrosa cacumina montes,
 Fulmine quod toties arsere Ceraunia dicta.
 Quinetiam tumultum uideas hæc æquora circum
 Armoniesq; uiriq; simul Cadmeia busta
 Inclyta busta ducum, quos candida fama sequuta est.
 Namq; ibi mutatq; iam bina uolumina formæ
 Serpentes uirides repserunt littoris ora.
 Ismeno tunc cum fessi Venere senecta.
 Hic aliud subito fati apparuit ingens
 Prodigium, conuersi abiire in corpora saxi,
 Defixeq; duæ steterunt in margine petrae,
 Motaq; Cadmeis, fama est, concurrere saxi
 Membra refert quoties rumor cultoribus arui
 Crudelis patriæ uentura pericula terræ.
 Inde notos uersus pinguis super ardua Thraces
 Oritiumq; solum primis est Gratia campis
 Alta petens adeo bino circumdata fluctu.
 Hinc siculis illinc Aegæis astat undis.
 Vnda tamen ualidos hic excipit utraq; uentos.
 Hesperium fluxus, Zephyrum dixere, Sicanus,
 Aegæus tepidos Euros Nabatheidas auras.
 At Pelopos sequitur mediis dehinc insula pontis.
 Quæ similis platani folio, quod crescit acutum.
 Extrema siquidem constringitur Isthmus in unda,
 Arctior ad Boream pressit uestigia terris
 Hellados Aoniis pariter subnixus arenis.
 Ambitus est illi curua latissimus ora.

Plurima sed circum producit lingua fauces.
Vsq; frequens folium qui intercipit angulus æstu.
Hinc atq; hinc liquidis hæc cingitur æquoris undis;
Et prætenta maris sinibus se sustinet alti.
Huius & ad Zephyros Triphyllidos arua coluntur.
qua sonat Alphæus fluvium pulcherrimus amnis
Ore Eurota tuo fluidis confusus arenis.
Teq; Alphæe suo rigat amne Mesenius aluens.
Emittunt Asia pariter iucunda fluentia,
Leniter & serpunt ambo rorantibus undis.
Hic secat Eleos labenti flumine campos.
Ille Therapneos, Amyclæaq; rura pererrat.
In mediis campis terræ, & conualle uirenti
Arcades Apidanes celsa sub rupe Erymanthi.
qua Crathisq; Melasq; fluens & aquosus Iacon,
Antiquæ flammæ memoris Ladonis & amnis.
Argæiq; colunt & arant prope rura Lacones.
Argæi auroram spectant, Atq; arua Laconum
Ad pluuios uergunt austros Tritonidos oræ.
Aequora bina fremunt magno cum murmure circum,
Isthmia ubi undoso quoq; fluctu littora cingunt.
Hoc Ephyræ contra Zephyri sub mollibus auris,
Illud ad Eoi cursus radiantis habena
Feruēt, & illud arant, dicuntq; Saronidas undas.
Et qua mane uenit fælix Hyperionis ortus
Infra Isthmum circa pratis uiret Attica tellus.
Qua liquor Actæi memorandus fertur Iliissi.
Vnde tulit raptam Boreas quondam Orithyan.
Sidoniis iuxta Bæotia rura colonis,
Aruaq; Locrorum parnassi subdita cliuis.

Aemoniꝑ; plagæ, clareꝑ; pelasgidos vrbes,
 Threitiꝑ; Aemꝑ; niuibusꝑ; cacumina cana.
 Hunc contra Epirꝑ; qua parte Fauoniꝑ; auras
 Mittit, ubi syluæ nemorum Dodona choruscæ
 Chaoniis prætenta iugis & lata uiretis.
 Hanc super apparet furiosos uersa sub austrꝑ;
 Post altas celebris speculas rupesꝑ; Aracynthi
 Vndiq; magna recens pictis Aetholia campis.
 Qua diues uoluit nitidas Achelous arenas
 Circum prata sonans undis argenteus amnis
 Littora curua petit tandem, gremioꝑ; receptus
 Aequoris insultans siculas perlabitur undas
 Per medias, portu quas plurima rumpit amaro
 Insula, dum claras inuisit Echinadas amni,
 Celsa Cephallenꝑ; uicinaꝑ; mœnia surgunt,
 quæ circum uario fluxu super æquoris extant.
 Hunc præpe Apollinæ rident quoꝑ; Phocidos arua,
 Qua uenit & Titan, & uestra aurora quadriga,
 Sed tamen ad Boream tum faucibus imminet atris,
 Termopylisꝑ; patet Phocis sub monte niuoso,
 Parnassiq; iugis, medius quam prænatat humor
 Descendens magno fluuio, & resonantibus undis
 Cephissi, iuxta Pythonis odorifer agris
 Tractus, ubi scui Delphynꝑ; terga draconis
 Extendunt multis sinuosa uolumina squamis
 Ad tripodas phœbi templo reuoluta sub alto.
 In quo sæpe arcum fixit, posuitꝑ; sagittas,
 Auratasꝑ; humeris sibi dempsit Apollo pharetras.
 Siue claro seu Mileti modo uenerat aruis
 Adsit & ille mihi dexter faueatꝑ; canenti

Tu quoq; musca canas piscosa per æquora terras,
Quæcumq; in uiridi cernuntur gurgite ponti.
Iamq; sub Hesperiiis sunt inter aquosa columnis
Marmora postremæ Gades super æquoris unda.
Quas hic extremi oceani circumfluit humor
Arcet, ubi uertunt phœnices arua coloni.
qui Ioue prognati sacra ponunt Herculis ara.
Hanc ueteres quondam Cotinusam nomine terram,
Post etiam Gades aliter dixere minores.
Mox aliis contra surgunt Gymnesides undis.
Et iuxta celsum prætendit litus Ebusos.
Marmoreisq; super campis latissima Sardo
Insula fruge ferax, et amœna sub æquore Cynos,
quam patrii dicunt cultores Corsida ruris,
Illaq; frondosis syluis nemorumq; latebris
Cingitur, et lucis ibi pascua nutrit opacis.
qua non ulla umbris nec frondibus amplior altis
Post hanc Aeolides uicina per æquora sparsæ.
Vortice quas rapido gurgēs circumfluit urget.
Hippotadæ regis sedes et regna per æquor
Hospitis Hippotadæ solium, qui flamina torquet,
Imperat et uentis, seu laxas præbet habenas,
Quando mouent flatus rabidi inter saxa procellas.
Seu frenat mulcetq; animos, cum gurgite presso
Aequora tuta silent inclusis carcere uentis.
Aeolus hæc tenet hic aurarum regna superba.
Hippotadæ Aeolides septem cognomine regis,
Atq; alio totidem stant circum nomine Plotæ.
quippe tenent medios ibi classis in æquore cursus.
Sirelis hæc iuxta fluctu iacet insula contra

Ausoniam triplicis lateris protenditur aruis.
Alta iugis surgens se porrigit ante Peloris.
Ardua deinde tenet sublimi sede Pachynus,
Et Lilybe Tyrias pelago procul aspicit undas.
Ast liquidæ cautes porrectæq; saxa Pachyni
Auroram uersus tendunt, lilybeia duris
Saxa uadis Zephyri surgunt sub mollibus auris.
Ergo Lycaonias petit hinc uentosa Peloris
Notior ipsa feras, qua spectat Iapygis oras
Ausonias, nautis ubi formidatus arenâ
Cursus, iterq; uehit per mille pericula ponti.
Hic angusta maris scopulos circumsonat unda;
Arcta rates arcet, collidit & aspera spumas.
Inuiaq; ingressis sæuum uia puppibus æquor,
Secæq; littoreis terrarum anfractibus horret.
Deinde notos uersus Libyci fluit æquoris humor.
Altera mox Syrtis, uerum altera cernitur ultra
Ad latus occiduum spumosa puppe secanti.
Cuius in aspectu bina est super insula ponto
Sed propior Minix cercinaq; gurgite celsa,
Vtraq; seiunctim Libyco contermina portu.
Iamq; sinus pelagi si intraueris ipse sinistros
Alta secans puppi uirides ad iapygis oras,
qua uoluit celeres aura uagus Adria fluctus,
Inuenies fortis media Diomedis in unda
Quæ iacet Adriacæ tellus ambita liquore.
Quo Veneris faslu deuenerat inclytus Heros.
Cum fuit ad claros puppi delatus Iberos.
Aegiale fuerat causam quæ præbuit illi,
Ergo dolis illuc & crimine cesserat huius.

Auroram uersus qua magnus ductus aquarum
Electitur, Apsyrti tellus circumdata fluctu
Apparet subito quam quondam colchica proles
Inuasit, iuueni peteret cum Phasida raptam
Fessa ætiados quærens uestigia nata
Errore soniden pagasæ puppe sequutæ.
Æquoreisq; superstant inde liburnides aruis.
Ambratiiq; sinus celebrato nomine terræ,
Diuidit æquoreos qua nobilis insula fluctus,
Atq; notus uoluenis ad littora curua procellas
Spirat Chaoniis post densa ceraunia syluis,
Cæreleo apparent currenti gurgite naui
Alcinooq; duci quondam gratissima sedes
Pomorum diues nitidis Corcyra sub hortis.
Neritiæq; Ithacæ scopuli tolluntur in undis.
Et quas pretereas serpens è Chalcidos aruis
Argento fælix Acheloius alluit amnis.
Quæq; magis spectant boream septemq; Triones,
Gnosius Amnissi fluitat quàm gurgis aquosi,
Ægyla, celsa cythera, Calauriaq; aspera cultu.
Carpathus hinc alia feruescit parte sub austros.
Et prope Creta Iouis magni iacet insula ponto.
Creta Iouis nutrix sobolis cunabula sacra.
Creta Iouis summi famoso candida partu,
Magna solo, fruges segetemq; et pascua bobus
Fertilis effundit lætanti numine tellus.
Frondescit nemorum syluis hic floridus Ida
Et procul umbrosis extollitur æquore lucis.
Vsp̄ adeo spatii extendit littora circum.
Aegyptum contra Rhodus est excelsa caminis

Vrbis, Ialifius sedes extructa colonis.
Inde chelidonio ternæ stant nomine terræ
Auroram uersus intra Patareida rupem.
Et matutinis intra Pamphylidas undas
Cypris humus radiis eoi subdita solis
Alta Dionæ Veneris sibi mœnia iactans
Alluitur, magnoq; Aradi madet æquore littus
Iuxta phœnices bibulas sfumantis arenas.
Suniate contra nymbose cacumina rupis,
Chalcidicos supra longe cernuntur Abantes
Et Salamis Graicq; Aeginæ mœnia clara.
Nunc etiam Aegæi dictum mirabile pontus
Diuerfas gremio terras ambiuit utrinq;
Apparet circum series hic longa domorum,
Vsq; quidem angustas undas Athamantidos Helles.
Hic ubi Sesus amat respondet Abydos amori,
Sesus Abydeno nimium contraria portu.
Atq; hæc feruescunt tibi littora curua sinistra.
Ast Asiæ terræ diffusa, per æquora dextra
Arctoas gelidi Boreæ tenduntur ad oras
Macris & Europæ consiluit Abantias alto.
Factaq; per litus Scyros propioribus auris,
Et Peparethus aquis ponti sublimior ipsis.
Asperaq; hinc duro Vulcani littore Lemnos.
Atq; antiqua Thasos Cereris granaria sanctæ.
Imbros, & alta Samos quondam Corybantide sede
Thressa Samos, quæ nunc uulgo Samothratia dicta,
Iamq; Asiæ terræ fama maiore sequuntur.
Hinc atq; hinc Delon cinxerunt æquoris undis,
Cyclades ergo mari Graio stant nomine circum.

quæ tibi phœbe choros celebrant & sacra quotannis
Verè nouo uiolis pratisq; recenter amœnis.
Cum iam facta hilares sibi ponit in arbore nidos,
Et querulos nutrit pullos Philomella canora,
Atq; mouet cantus nemorum secreta per arua,
Et suauēs modulos respondent undiq; montes.
Vltra etiam Sporades elucent æquore toto,
Splendescunt nitido uelut astra micantia cœlo,
Cum liquidas boreæ nubes leuis aura serenat.
quas iuxta apparent mediis & Ionides undis.
Hic Caunosq; Samosq; Pelasgidos inclyta sedes
Iunonis cultu, lætis & amœna rubetis.
Inde Pelenæi Chios sub montibus altis.
Ast hinc Aeolidum subito iuga celsa pateſcunt :
Et uiridis campi spatiosis Lesbos arenis,
Optatumq; rigans Tenedos pulcherrima littus.
Flebilis inde Melas ad aquas sinus affluit Helles,
Et uiridi salsas eructat in æquore spumas.
Multum etiam ad ualidos flatus Aquilonis ituro
Aestuat hinc atq; hinc emissa propontidos unda.
Præterea extrema est Euxini parte sinistri
Insula in æquorea famosa Borysthenis unda
Heroum sedes, Leucam cognomine dicunt,
Nempe quod his serpunt animalia candida terris.
Fama est hic animas Heroum ac fortis Achillis
Per nemorum saltus læta conualle uirentes,
Desertasq; uias, & syluis abdita rura,
Exercere leues uiridanti gramine cursus.
Fortibus hæc quondam concessit Iuppiter arua,
Hoc quoq; magnanimis pretium debetur umbris.

Hæc adeo celebris meruit sibi præmia uirtus.
Hic honor hoc munus uirtutis ponitur altæ.
Ardua nimirum sequitur post funera uirtus.
Hinc Scythicas recta si tum sulcaueris undas.
Cimmerius ponti qua iungit Bosphorus æquor.
Tunc alia immensis protenditur insula campis
Argentis scythicas intra Mæotidos undas,
quæ latus ad dextrum terris se iungit eoīs.
Hermonassa nitens sælix ubi mœnibus altis
Hermonassa uiris habitatur Ionide ductis
Hic quoq; Phænagore scytico sub littore celsa
Hæ celebres adeo passim stant littore terræ.
Ast aliæ oceani cinguntur fluctibus orę.
Iamq; situs harum facili tibi carmine dicam,
Ut quoq; quas capiat uentorum qualibet auras.
Aethiopes habitant Erytheam germine lætam,
Vbera quæ pinguis producit pascua bubus,
Vndę cultores Atlantidos æquora circum,
Aequora Geryoni quondam regnata superbo,
Macrobian antiqua generosi stirpe nepotes
Classibus Aethiopes intrarunt littora gentes
Aspera Geryonis olim post funera regis.
Inde super sacram rupem prope litus Iberum,
Quam caput Europæ uates dixere priores,
Hesperides terræ occiduo sub sole tepentes.
Hic ubi Cassiteri, & Flanni genitura reperti,
Frugiferas uertit glebas quoq; diues Iberus.
Insper oceani Borealia littora iuxta
Stant binæ terrę frigente Britannides unda,
Hic Rhenum contra dirimuntur ab orbe Britanni,

Atq̃ idem extremo prorumpit in æquora fluctu.
Harum magna quidem tellus est marmora circum.
qua maior similisq̃; situm licet æquore toto
Insula nulla iacet.iuxta quoq̃ tractus aquarum
Est alius circum complexus littore terras
Orchadas Amnitas contra,quibus undiq̃ sacra
Concita sacra Thyas peragit tibi famina Bache,
Bachaturq̃; hædera nigro redimita corymbo.
Nocte sub obscura sonus undiq̃ uerberat auras.
Et strepitum pulsuq̃; pedum tum curua resultant
Littora,dum festas plaudunt tibi Bache choreas.
Non sit Bistonides Apfynthi littore Thraces
Clamosum ingeminant sic uocibus Eraphioten.
Non sic cum pueris ad cœrula flumina Gangis
Indi epulasq̃; chorosq̃; sacrant tibi Bache frementi.
Ut geminant illas mulieres Eue per oras.
Vlterius longe oceano si puppe secabis
Frigescente uiam,& transmiseris ultima thules
Aequora Neptuni duris agitatus arenis.
Hic,ubi sol gelidas propius transcendit ad urfas,
Nocte dieq̃; simul sparguntur lumina terris,
Et iuga continuæ radiantur subdita luci.
Tunc siquidem Titan curuo uehit astra meatu,
Feruida cum flamma rutilanti signa rubescunt.
Et mox uertit iter flagranti lampade phæbus.
Ac nitidas recte radii inclinantur ad arctos.
Donec ad athiopum longe iuga flexerit oras,
Mortalesq̃; rota procul actus adiuerit atros.
Præterea si sumifera tum naue sub urfa
Altas Oceani Scythici sulcaueris undas,

Vlteriusq; rates ad eoum uerteris æquor.
Insula lucifero tollet sese aurea fluctu.
Vnde rubent orti rutilantia lumina Solis,
Inde iterum prora calidos si flectis ad austrum
Coliados contra gangetica culmina rupis,
Feruida continges immensæ littora terræ
Taprobane celebres spatiosq; uectus in oras.
Quæ diues gignit nutrix elephantas eos.
quam super & Titan, & Cancris signa rubescunt.
Cancer enim æthereo circum sibi uoluitur orbe,
Et cælo pariter rapitur sublimis ab alto.
Vsq; adeo super hanc ardescit in æthere cancer.
Insula cinctæ mari magnis latissima campis
Taprobane finibus prætenditur æquoris altis.
Circum sæua tenent immania littora cete,
Nutrit Erythreus quæ monstra sub æquore pontus,
Inflar montis eunt summi reuoluta per undas.
quorum terga rigent diris ingentia spinis,
Tergoraq; incuruus tractus nimis asserat alta.
His quoq; prædones si quando per æquora rapti
Puppibus errantes sinuoso gurgite celsis
Occurrere, fuga non est spes ulla salutis.
Nec phas est ulli fauces uitasse feroces,
Aut fugisse semel crudelia gutturis ora.
Panditur his siquidem mirando rictus hiatus.
Sæpe uiris una Neptuni belua dira
Sorpfit in abruptum baratri ceu gurgite classem.
Nec solum terris, sed mille pericula ponto
Aspera latroni sit undiq; fata dedere.
Vlterius iacet hinc extra carmanida rupem

Regis Erythræi nimium celebrata sepulchro
Ogyris inde citis tum perfidos ora subibis
Aequoris ingressus salſam cum puppibus undam,
Atq; uiam inde ſecans aquilonibus æquora uerſus
Aſpera, continges ſpumantibus Icaron undis
Icaron æquoream, Diſtynnæ culta Dianæ
Hic micat ara deæ tauri ſub imagine ſacræ.
Quæ nidore frequens & mollis odore ſeuero
Religione ſacra fumos exhalat acerbos.
Tauripoli templum iactat quoq; ſama Dianæ.
Oceanus liquido tot continet æquore terras,
Quæ circum celebres maiori littore feruent.
Innumeræq; aliæ quas pagina noſtra reliquit.
At ſinus immenſis quaſdam Aphricus arcet arenis,
Quædam Aſiæ, quædam Europæ ſub nomine diſtæ.
Atq; aliæ circum ſama numeroq; carentes
Salſi ſpumiferas hinc inde per æquoris undas.
Hæ circa oſtentant uariis habitata colonis
Mœnia, & eximios præbent ſub littore portus.
Illæ ſubnixæ ſubeunte crepidine celſæ
Semper inacceſſas nautis ac puppibus oras
Reddunt, ergo latent ignoto gurgite cinctæ.
Quas mihi parua nequit retuliſſe in carminę muſa
Cunctarumq; ſuo tot dicere nomina ponto.
Iamq; Aſiæ ſpeties terræq; utriuſq; figura
Pene refert galeæ ficta ſub imagine conum,
Duſta magis tamen extremas orientis ad undas
Vndiq; in eoos Aſiæ ultima terra reſceſſus
Porrigitur nimium Phœbo naſcente caleſcens.
Aethera pertingunt ubi nunc quoq; ſumma columnæ,

Quas

Quas quondam posuit Thebanis ortus ab agris,
 Bacchus ad extremum procul oceanum æquora iuxta,
 Montibus Indorum quæ iungitur ultima terra
 Et flauas fluius resonans ubi candidus undas
 Planitiem circa mouet, & rigat æquore campos,
 Nyssa; maris tum rauca fluenta fedinis
 Immittit Ganges nitidas & uoluit arenas.
 Sed nec tanta quidem est Asiæ telluris arena,
 Nec tam magnus erit spatiosis ambitus oris,
 Nec species adeo similis seu forma uidetur.
 Europæ & Lybiæ pontus dominatur in undis
 Vnus, at oceanis circumfuit Asia multis,
 Tres siquidem uario deflectit gurgite fluctus,
 Spumososq; sinus eructat ab æquore ternos,
 quos intra mittit litus telluris & arua,
 Persicon, Hyrcanionq; Arabumq; sub æquore celsos
 Sed duo uicinos nimium uertuntur ad austrum.
 Tertius ad Boream gelidasq; Aquilonis ad auras
 Spectat, & Euxinis nondum conterminus undis
 Parte Lybos sese flatus inclinat in altos,
 Quem circa innumera gentes quoq; rura frequentant.
 Magna quidem tellus mediisq; interiaceret Isthmus,
 Hinc atq; hinc adeo longis extenditur aruis.
 Hinc fluit Euxinus, illinc & Caspius humor.
 Per medios orientis agros Asiamq; per omnem
 Serpit inextincto mons undiq; uertice celsus.
 Producens frondes orsus Pamphyllide terra
 Sole coloratos hinc usq; recurrit ad Indos.
 Interdum curuo tractu deflectitur ille,
 Rectior interdum pariter uestigia pressit.

Illum adeo dicunt claro cognomine taurum.
Nempe quod est insit tauri cliuosus ubiq;
Sublimisq; meat molliq; cacumine surgit.
Assiduus idem porrectus montibus usq;
Multaq; diuersis ostentat culmina terris.
Innumeri inde fluunt magno cum murmure fontes,
Et resonant amnes montanaq; flumina circum,
Hiboream uersus illi rapiuntur ad austros,
Atq; alii Zephyri, atq; Euri sub flatibus undas
Deducunt, quis enim montis tot nomina dicat.
Nec retinent unum tot circum culmina nomen.
Ast ubicumq; patet latos anfractus hiatus.
Nomen habent aliud, curent quicumq; per oras.
Hic habitant circum, poterant hæc nosse coloni,
Quiq; domos iuxta, uicinaq; rura frequentant.
Iamq; breui cunctas percurram carmine gentes,
Quæcumq; illustres posuere cubilia campis,
Et uertunt Asiæ glebis felicia prata.
Vos quoq; uos musæ uestigia nostra regatis.
Ergo colunt Asiæ mæotica rura paludis
Mæotæ populi, ac seuum gens Sauromatarum
Armis belligeri semper gens strenua Martis,
Venit Amazonidum quæ quondam prodita partu,
Nataq; concubitu fortiq; ab amore creata
Iactat Amazonidum clypeos & imagine ceras.
Quæ cum Sauromatis quondam perhibentur in armis
Conseruisse femur, iacuisse & amore soluta.
Cum procul à patria quondam tellure uagantes,
Errantes longe quoq; Thermodontis ab undis,
Disiunctæ gererent bellum martemq; cicerent.

Ergo etiam ex illo nati de semine fortes
Magnanimiq; habitant sylvas immensaq; lustra.
Hæc inter Tanais fluuiis undosus Eois
In mare prorumpit mæotidos ora paludis
Ingressus pariter flauas ac miscet arenas.
Separat hic Asiæ Europa quoq; flumine terras.
Ad Zephyrum Europam, sed diuidit inde sub Euris
Arua Asiæq; solum sâlix, Nabathæaq; regna.
Huius item fontes irrorat montibus altus
Caucasus, & longe resonante remurmurat unda.
Hinc atq; hinc latus rippis premit alueus arua
Concitus & Scythicos mananti flumine campos
Irrigat, è Borea nunq̃ defessus arenis
Fluctuat, huius aquas concretas frigore cernas.
Heu miseros gelidis habitant quicumq; sub agris,
Et posuere domos sæuis Aquilonis in aruis,
Ac stabulant isto duro sub frigore rure.
Nempe gelu gelidq; niues his semper in oris;
Et uenti grauitè spirant glacialibus auris.
Aspera cum redeunt numerosis frigora uentis.
Tunc & equos passim morientes frigore cernunt,
Hic & oues sparsæ & muli sternuntur in agris,
Non homines ipsi ferrent discrimina tanta,
Sub Boreæ flatu gelido si forte manerent.
Sed fugiunt iunctis hyemis sub tempora plaustris.
Plenaq; defessi uexerunt hesseda manni.
Dum quærunt alios campos, alienaq; rura,
Hybernisq; suos relinquunt ibi flatibus agros,
Qui furiant sæuis deserta per arua procellis,
Et circum niueas hic perflant turbine terras,

Piniſerumq; nemus, piceisq; cacumina denſa.
Iſtę adeo Tanais habitant ad flumina gentes.
His uicina tenent populosa gente coloni
Sindi, Cimmeriiq; & qui tum proxima ponto
Cercetiiq; oreſq; iugis ſimul arua fatigant
Raſtris, & fortes qui uertunt litus Achæi,
Quos ſimul Idæis Phrygii Simoentis ab undis,
Et Xanto fluuio dirreptos flamine dira
Elabra noti pluuii quondam Zephyriq; tulere
Fortis Aretiadæ regis patria arma ſequentes.
Hos iuxta exercent contermina rura ligone
Heniochilpopuli, Zygiuq; pelafgidos ore
Progenies olim Graia de ſtirpe creati.
Inde ſinus circa liquidos, pontiq; reſſus
Tyndaridum poſt rura ſoliq; ferocis arenas,
Arua uirent longe Colchis habitata colonis,
Quæ gens Niliaco quondam de litore uenit,
Et prope Caucaſeum montem noua teſta locauit,
qui circa Hircanum mare creſcens rupibus altis
Surgit, ubi phafis fluidis delabitur undis,
Planitieq; ſecans Circaos gurgite campos
Intrat aquas ponti, celeresq; ſub aquora ſpumas
Ingerit Euxini referens primordia fontis
Montibus Armeniis cuius ſe ſelectit & iſthmus
Inde Lycaonios illinc ſed uerſus Eoos
Latior & bino ſpatioſus gurgite uentos.
Hic fluit Euxinus, fluit illic Caſpius humor.
Cuius habent clari peregrinum litus Iberi
Matutina ſoli ſulcantes fertilis arua,
Hęc gens in fines procul huc conceſſit Eoos

Pyrrhennesq; iugis & Iberi ualle profecta
 Hostis in Hircanis commisit praelia campis.
 Et Camaritarum pariter gens maxima quondam
 Nobilis hospitio Bachi celebrisq; choreis
 Excipere olim numen fatale benigni.
 Electeret Eois cum iam iuga uictor habenis
 Liber agens saeuas Nysae de uertice tigres,
 Indorumq; hilari spetioso Marte reuertens.
 Hi quoq; Bachidibus sacras statuere choreas,
 Pampineis foliis, & cincti corpora totis,
 Hispidaq; induiti ceruina pectora pelle
 Euohe Bache fremunt, pertentant gaudia corda.
 Ingeniumq; Deus populi legesq; sacrorum
 Rite secundabat moresq; ferebat in astra.
 Caspius hos etiam prope fluctuat aequoris aëlus.
 Quod mare iam pariter facili tibi carmine dicam.
 Et tamen hinc longe nunquam uada carula uidi,
 Nec uastum celsis penetraui puppibus aequor.
 Vitaq; nec cymba, tumidis nec ducitur undis
 Nec patria aequoreo procuro negotia ponto.
 Nec peto ceu multi procul hinc Gangetidas undas
 Longe puppe secans Erythraei gurgitis aëlus.
 Comituntq; animas pelago ratibusq; salutem.
 Dum quæruntur opes & Gangis diuitis aurum.
 Nullaq; in Hircanis mihi sunt commercia regnis,
 Caucasaeosq; iugis saltus nec calco remotis,
 Qua rubri uertunt Ariani iugera raslis.
 Sed me musarum calor, & tulit impetus ille,
 Vos etiam musae fluctus memorare potestis,
 Et metare procul numerosas aequoris undas.

Vt minus huc sitis longis erroribus acta,
Ingenio emense montes telluris & arua,
Oceaniq; sinus, ambita & littora terre,
Aethereasq; uias astrorum, & sydera caeli.
Quid si pontus aquis etiam circumfluus esset,
Hircaniq; maris circum foret ambitus usq;
Et non assidua gurges remeabilis unda,
qui ratibus celsis magno patet æquore circum,
Tum citius terro percurreret orbe Diana,
Tertiaq; ore suo repararet cornua phœbe,
quàm tua longinquas puppis transmiserit undas.
Tot fluctus intrans Hircana per æquora uecta.
Caspian extendit tam longe brachia pontus
Turbidus atq; asper resfluens immitibus undis.
Inde Lycæonias retro dat lora sub ursa.
Fluctibus Oceani gelidisq; immissus arenis.
Hoc quoq; uisuntur pariter miranda per æquor.
Gignit crystallos, & fuluam gignit iaspin
Insensam Empusæ, atq; aliis sub imagine spectris,
qualia multa modis errant uolitantia miris.
Iam quæcumq; habitant gentes hæc littora circum
Expediam occidui lateris primordia terræ
E Borea ueniens agris exorsus iniquis.
Principioq; Scythæ campos atq; ultima rura
Rura tenent iuxta concretum frigore pontum,
Et salis Hircani calcantes littora curua,
Resluit undoso fluctu qua Caspius æstus.
Post habitant Vnni, super hos tum Caspia pubes.
Albaniq; premunt agros cum Marte minaces.
Quiq; tenent populi circa aspera rura Cadusi.

Et prope Mardorum degit gens æquora iuxta.
Hyrcaniq; Apyriq; & eodem nomine riuus
Mardus adit patrias gentes circumfluit undis.
Dercebiis, Baëtrisq; simul sua fluminis unda
Pota inter medios Hyrcanum currit in æquor.
Interiora tamen Baëtri foeliciter arua
Diuitis arua volunt extensa per æquora campi.
Paropanefiaci montis sub rupibus altis.
Dercebiisq; latus simul hinc prope Casspia stagna
Obtinuere iugis, post hos orientis ad oras
Spumiferum resonantis aquis trans flumen Araxis
Massagetæ celeres docti torquere sagittas.
Quos utinam accedam nunquam prope corpore iunctus,
Nec quicumq; mihi est fido dilectus amore.
Qua non ulla magis gens est, & inhospita tellus.
Illo non etenim fuit hospes ab hospite tutus;
Frumenti species populo non ulla feroci,
quin & nulla cibi dulcis inuat esca Dianæ,
Nulla mero patrio crescunt uineta per agros.
Et nec Bache tuos succos, nec pocula siccant,
Sanguine sed mixtum niuem lac potat equorum
Marte ferox seuis agitans conuiuia mensis.
Contra hos ad Boreæ gens est Chorasnia flamen,
quam prope frugiferis ditiescit Sugdias aruis
Terra ferax latius quoq; Sogdiana sub agris.
Quam medius sacris fluius rigat Oxus arenis,
E modos linguens montes in Casspida rumpit.
Post quoq; laxartë liquentia flumina circum
Telo, arcuq; Sacæ, quos nullus uinceret arte,
Aequaretq; cita clarius iaculator habena

Nec phas est illis certis errare sagittis.
Et Tochari, phruriq; et gentes seres Eoæ,
Et qui rure boues soliti contemnere largas,
Pinguiaq; herbiferas recreantis ouilia potu
Fluminis ad ripas, et pascua læta per agros.
Lucida sed tondent depictis floribus arua,
Quæq; nitent uiridi tenues in filipite lanæ
Per densas sylvas, atq; aspera rura leguntur.
Arboreo texunt pretiosas flamine uestes,
Et iactant pictis uariatam floribus artem,
Atq; laboratas uiridi de fronde Tiaras,
Et tunicas, frondemq; et florida prata colore,
Intextisq; suas imitantes floribus herbas.
His non ulla quidem certaret tela per orbem,
Nec tenuis summo quæ pendet aranea tigno.
His etiam inde alii uicina per arua frequentant
Tecta Scythæ gelidis hyemis persflata sub auris.
Hic extrema illi notoq; carentia sole,
Rura salebrosis extensa per æquora campis,
Rura sed Hybernis eadem male subdita uentis,
Et gelidis semper crepitanti grandine tectis.
Qua Boreæ frigent nimis inclinata sub auras,
Æquora tot circum tot Casspia littora gentes
Circa habitant, alta qua surgit Caucasus arce.
Iamq; iterum mentem uertas à Colchide terra,
Et procul Euxini circæ Phaside spectes
Littus et ora maris, densasq; sub æquore gentes.
Quadrupedes fluctu qua Phæbus mergit Ibero
Et qua Threitis spume sat Bosphorus unda,
Et prope uicinas despectat Chalcis arenas.

Biſeres populi primum gentesq; Becheræ,
Macrones, Philyresq; ſimul, ſupraq; charambin
E ligno ſtruſtis habitant qui turribus altis.
Ac prope mille greges agnorum pascua tondent,
Balantumq; ſimul Tibaremſis nota per arua.
Quos iuxta Chalybes duræ atq; immitis arenæ
Doſti materiem rigidi producere ferri
Exercent ſauo ſeruientia brachia ferro,
Aſperaſq; impositis quatiunt incudibus æra
Aſtantes, iſtusq; ſonant, telluſq; reſultat.
Vſq; adeo requies nunquam datur ulla laborum.
Aerumnæq; graues torquent incude lacertos.
Poſt hos Aſſyriæ procuſus tenditur oræ.
Hic ubi Amazonidum Thermodon inſluit undis
Martius armigeris, circum, furialis Enyo
Monte ſub Armenio deſcendere proſpiciat albam
Thermodontis aquam, cui geſiat nomina ſuma
Thermodoontiaci fluuii, qui laude Sinopes
Fertur, ut accepit longis erroribus actam
In gremio quondam ſœlix Aſopida nympham,
Triflibus, & curis ægram ſolatur amantem,
Vtq; ſuis iuſſit pariter conſideret oris.
Sic etenim ſummus tum Iuppiter ipſe uolebat.
Olim formoſæ flagrabat amore puellæ.
Iuppiter, inuitum patriis ſeduxerat aruiſ.
Virginis hinc etiam tenuerunt mœnia nomen.
Thermodontis aquæ gelidas ubi gemma uiſcens
Nobilitat ripas, clariq; ubi ſæpè lapillos
Crſtalli nitidos poterat ſecuiſſe repertos.
Ac uelut hibernam glatiem ſub flumine gemmas,

Et datur undosam, fuluamq; firepentis Iaspm.
Legisse in liquidis hic Thermodontos arenis.
Dehinc Iris uitrea defertur in æquora lympha,
Ductus Hælys iuxta, resonant & amœna fluenta,
Quæ tendunt Boream versus prope celsa Charambis
Culina, sed prima descendit origine montis
Armenii, unde oritur fluuius rorantibus undis.
Et prope paphlagones habitant in littore gentes,
Ac Maryandini sacrum genus, inclyta fama
Huc traxisse canem stygii Iouis ora triformem
Gutturis grata latrantem uoce tremendum
Magnanima raptum dextra phlegethontis ab undis
Amphitryoniaden, scæuamq; è gutture spumam,
Ac uomuisse canem succos è faucibus atros.
Quos tellure satos fuderunt pontica rura,
Et peperere feram pestem mortalibus agris.
Proxima Bithyni calcant tum rura feraces,
Aruaq; frugifero uertunt sælitia campo.
Hic ubi per ripas irrorat flumen amœnas
Gramen, & hinc ponti celebris subit hostia Rhebas,
Rhebas, qui flectit spetiosa fluenta per arua,
Cuius & in terris pulcherrima ducitur unda.
Lata tenent ponti tot circum rura coloni.
Sit satis hoc Scythicas retulisse in carmine gentes.
Iamq; Asiæ referam posita spatia æquora iuxta,
Quæ sublime notos uersus petit ardua uentos.
Pars Hælessponti breuior stat littora circum,
Latior extensis pars altera ducitur aruis
Ad tumidos fluctus Aegei littoris undæ,
qua uenit aura noti Tritonidos acta palude.

Quaę illa est uariis iterum longissima terris,
Vsq; ad Idumæas Syrię protenditur oras.
Inde Paleslinen, & Arabica ruris amœni
Prata, Sed hic Asię primis Chalcidees aruis
Candida rura tenent falsi iuxta hostia ponti.
Et terras spectant Bisantia mœnia contra.
Tunc quoq; Bebrytii, tunc montes Mysidos ora.
Qua iucunda Cius demittit flumina campi.
Cuius Hylan ripis liquidas detraxit in undas
Naiadum turba residens ad flumina nympha
Herculeum quondam pagasæa puppe ministrum
Alcidę ingentis teneros deslentis amores.
Angulus immensus positi hunc procurrit in Helles
Æquora, qui Phrygię complectitur arua minoris.
Altera tum sequitur latos extensa per agros
Sangarii ripis manantia flumina circum,
Quæ maior Phrygia est roseos orientis ad ignes.
Quæ quoq; fertur equis inducere pascua ruris.
Et proferre soli flauentes pinguis aristas.
Hesperiam uersus uideas & prata minoris.
Et Phrygię saltus sigeia littora circum
Quæ iacet ad sacri radices nobilis Idæ.
Et latus ostentat uentosaq; mœnia Troiæ
Ilion, & longo clarissima Pergama bello.
Ilion excelsas prisci Heroibus arces.
Ilios urbs quondam Neptuno & condita phœbo.
Ilios urbs quondam Iunone & Pallade uersa
Ad latos xanthi fluxus & florida rura.
Idciq; citas Troiæ Simoentis ad undas.
Post quoq; frugiferis emittitur Aeolis aruis.

Aeolidosq; nitente tum culmina celsa domorum
Littus ad Aegei, subeuntis & hostia ponti
Alta super fluctus ingentes æquoris Helles.
Et iuxta nitidos exercent Iones agros,
Ac uicina mari uiridaria læta frequentant.
Per medios populos fertur Mœandrus aquosus,
Fœtiferoq; rigat camporum uortice tractus,
Arua secans inter Mileti & rura prienes.
Plus tamen ad Boreæ submissas flamen utrisq;
Aequoreas Ephesi sedes, urbemq; Dianæ,
quæ gaudet iaculis arcus, pharetraq; uideres
Marmoreos iuxta surgentia mœnia fluctus.
Hic ubi Amazonides posuerunt templa Dianæ
Vlmi non unquam perituræ robore celso
Nobile gentis opus, toti miracula mundo.
Huic quoq; mœonia tellus contermina floret.
Vitiferi uentis nuda sub rupe Timoli.
Vnde sonat campis fluuiio delapsus amœno,
Auriferasq; trahit diues pactolus arenas,
Atq; secat fluctu Bachi uineta sonoro.
Cuius ad herbosas ripas si sederis unquam,
Cum uer rure nouos flores & fundit achantos,
Mulcebunt aures modulantes carmina Cygni,
Et dulci circum fluuios hic uoce canentes,
Qui nemorum syluis errant, & gramine leto,
Pascua dum quærun't umbrosis saltibus herbas.
Multa Asiæ nitidas florescunt prata per oras,
Præcipue uiolis, & odoris floribus arua
Arua uirent, ubi curuatas Mœandrus amœnus
Elegit aquas lusu, quæ mollior unda Caystri

Perstrepit, & tacito riuos è fonte loquaces
Vitrea lympha ciet, uiridiq; immurmurat aruo.
Hic ruit in fessos cultissima fœmina ludos.
Iuditiumq; tuum Nympharum culta moretur
Copia, quæ circa terras sedesq; beatas
Læta choros ducit nitido circumdata lybo.
Atq; sinus circum nodo collecta fluentes,
Aureaq; egregios innectit fibula lumbos
Arte salit dulci, miro reuoluta sub orbe,
Dum saltat fesso Bachi, plauditq; choreas.
Matronasq; inter formosæ uirginis ora,
Et nitidæ nymphæ primæuo flore iuuentq;
Alternis ludunt pedibus, saltantq; iocosq;
Ceu saliant fœtus ceruorum fronde sub alta,
Ast agitat uentus saltantis in ora puellæ
A pedibus pallas reuolutas pectora circum,
Corda; dulce strepens pertentat amabilis aura,
Dum mouet à suris, & suaues corpore uestes.
Gens studium hoc, uenerisq; imitatur Lydia mores.
Lytius hinc populus campos arat æquora iuxta
Ad uirides ripas & amœna per arua sonoras,
Quas beneiungit aqua Xanthus pulcherrimus amnis.
Hic quoq; præcipitis montana cacumina Tauri
Vsq; ad Pamphylios liquidas tolluntur in auras,
Fama Cragon gentis uerso cognomine dixit.
Hos super æquoream uideas & mœnibus urbem
Asspndon fluiui claram Eurymedontis ad undam,
Sacra Dioneæ faciunt ubi sanguine matri,
Et spargunt aras portis de more litatis.
Iamq; aliæ deinceps surgunt Pamphylides urbes.

Corycus, Pergeq; & uentis celsa Phaselis,
Quæ maris arcet aquas, atq; inde Lycaones arua
Interiora tenent eo subdita phæbo
Arma manu, telumq; arcu torquere periti.
Pisidaq; super populi, campiq; feraces,
Atq; urbes circum fluuios, Termessus, & agris
Lyrbe, & Amyclæis quondam fundata colonis
Pamphylæ terra claro cognomine Selga.
Inde uado torto radiis curuatur eois,
Interiusq; petit litus circumfluus humor
Vndosi Euxini spatii uicinus iniquis,
Aequore qua populos Cilicum sinus alluit alto.
Longus in auroram, terræq; angustia fertur
Asidos, huc mergunt numerosa fluenta liquores,
Longinquisq; locis uoluuntur in æquora fluctus;
Et Pyrami, Pinariq; et Cydni flumina curui
Qui mediam celebris Tarsum perlabitur urbem
Egregiam pinnis, ubi quondam Pægase clara
Vngula lapsa tibi nomen famamq; reliquit
Mœnibus, & tergo tandem tibi decedit Heros
Bellorophon, cursuq; cito Iouis asstra petebas.
Illeq; per campos cognominis ibat Aleios
Solutus, & errabat tacite secreta per arua.
quin aliæ plures Cilicum cum mœnibus urbes
Lyrnesus, Malusq; atq; Anchialeia, Soliq;
Hæ mediis terris, illæ prope littora ponti,
Quem iuxta pratis regio Comagena uirescit
Hinc urbes Syriæ pariter sub litore curuo,
Quod circum Syriam longis obducitur undis,
In Zephyros cano deslectitur æquore tractus.

Vsq; ad aquas Aradi, & Casii iuga celsa uadosi
quod restat, reliqui facili deducta labore
Rura asq; tractus, & scribam mœnia uersu.
Tu modo disce libens, atq; hæc mea figito dicta,
Ne rapiant uenti monitus, uerrantq; per auras,
Et pereat rebus tam clari gratia facti,
Neu ferat in nubes ignauia uerba magistri,
Et uigiles operum noctes, damnetue labores.
quod si forte brevis compendia nostra sequutus
Ipse uia ambages, longi & dispendia callis
Vitas, & recte meditaris carminis orsus,
Eloquio argutas tum tu depromere uoces,
Atq; aliis docta poteris ratione referre
Et fluuios, urbesq; situ, terrasq; sub orbe
quaslibet, & vulgus pendeat ab ore loquentis.
Quattuor ergo Asiæ ponam latera ultima terræ,
Hæc Asiæ toti monstrata figura patebit,
Quæ radios uersus longis procurrit eos.
Vsq; uolans campis, distendit & squore rura.
Nec latet, utq; reor, prius ipse hæc aure fideli
Hauisisti, retuli nuper tibi carmine dicto.
Ut tibi plana Asiæ medium secat æquora culmen,
Ac totum tractum partes tibi findit in ambas,
Vsq; nigros donec syluis extenditur Indos;
Vnius lateris dirimit Borealius arua.
Sed latus Hesperium Nilus regnator aquarum
Præbet, & Oceanus contra latus urget eum
Indicus, hinc ausler quartum tenet æquore rubro.
Aspice ut ipse pedes tendam telluris eoq;
Ad nitidos campos roseas orientis in oras.

Iuxta radices montis pressaq; sub ora.
Et Syria incipiam, namq; hic uestigia pressi.
Sed tamen ut nostros ne quis reprehenderet ausus,
Rideretue meæ ueluti mendatia uocis,
Palladia doctus ceu Dædalus arte cauebo.
Iam Syria extendit, sese propiusq; supraq;
Aequor, & accessit proserpens littora circum;
Seq; notos uersus uentosq; inclinat eos,
Turrigeras urbes, sæcundaq; mœnibus arua
Ostentat circum testis sibi diues amœnis,
Ergo cauam Syriam prisco cognomine dicunt.
Namq; humilem medios cingunt iuga bina per agros;
Atq; actis circum montes radicibus obstant
Hesperium Casii, Lybaniq; cacumen eorum.
Hanc habitant multi celebres opibusq; decori:
Quis tamen haud unum nomen sedesq; recepta,
Sed passim Syriæ campis habitatur utrinq;
Interiora tamen terræ medioq; frequentant
Rure domos Syrii, nam sic regione uocantur.
Qui prope Nereidum fluctus, atq; æquoris undas
Littus arant, patrio phœnices nomine dicti
Gentis Erythræ, & ueteri de stirpe creati,
qui primum uisis tentarunt nauibus æquor,
Iusseruntq; citas decurrere gurgite pinus,
Et uarias merces portarunt puppibus altis
Ausu fluctisq; tractare negotia ponto,
Astrorumq; uias primi, cœliq; meatus,
Obscurumq; uadis iter inuenere per undam,
Spectaruntq; uago labentia sydera cursu,
Stelligerosq; globos, arcanaq; fœta deorum.

quia

Quiq; Iopen, Gazamq; colunt, & Elaida celsam,
Et Tyron antiquam, Berytiq; arua uirentis,
Ac Byblon æquoream, Sidoñaq; floribus udam,
Quæ prope Bosireni riuos habitatur amœnos,
Quiq; tenent Marati muros, Tripolimq; feracem.
Spectantisq; arces Orthosidos æquore cëlso.
Laodicesq; lares spumoso littore ponti.
Et possideam Neptunia mœnia sedem.
Et sacras ualles Daphnes lucosq; sonantes.
Antiochiq; simul magni de nomine regis
Antiochea patet, mediisq; Apamea sub agris,
Cuius ad auroram decurrens flumen Orontes
Antiochi medias immensum diuidit oras
Totaq; pinguis humus circum flauentibus aruis
Et campis ridens, & amœnis rosida riuus.
Præbet ibi segetes, illic quoq; fertilis herbas,
Pascere diues oues, & tollere in arbore fructus.
Inde uel ulterius si forsitan rueris austros
Aestiferos uersus, qua semita celsior urget
Arrabicosq; sinus, panchaiaq; littora cernes,
Aequoraq; undoso circum posirema recessu.
Qui medius Syriæ littusq;, Arabosq; propinquos
Alluit Arrabiæ campo uernantis amœno
Versus ad auroram breuiter, iuxtaq; Selanos
Sistit iter, tunc terra Arabum inclinata recumbit,
Qui bene fœlices habitant fœlicibus aruis,
Ardua se tollens duplici circumdata ponto
Persico, & Arrabico, uentos possedit uterq;
Arrabicus Zephyrum, flatus quoq; Persicus Euri.
Ora sed australis radiis occurrit Eois,

Quæ quoq; Erythræis Arabas ditantis ab undis
Oceani abluitur terræ, iam carmine dicam,
Arrabiæ positus, fructu super eminet omnes.
Gens prælara tenet rebusq; opibusq; superba.
Præterea Arrabiæ uideas miracula terræ.
Nam nitet insignis diuorum munere tellus,
Floribus atq; herbis hæc semper fragrat odoris,
Et rident ruris per pictos gramina campos,
Suauiter & ramis redolent frondosa rubeta.
Seu nitidi floris, seu Myrhæ effundit odores.
Seu uirides succi bene olentis arundinis halant.
Seu maturescit Libani diuinitus arbor,
Seu quoq; odorata casia redolentia rura
Pinguntur, longe nautis sparguntur odores.
Nimirum his soluit Dionysos Iuppiter oris,
Sutiles & plaga femoris prægnante refudit.
Nascentiq; simul uarii nascuntur odores.
Lanigeræ pecudes densi quoq; uelleris ibant.
Densus & ipse aries carpebat suauis rubentis
Floris agros ouibus lætæ per pascua uallis,
Sponte lacus ibant pariter rorantibus undis,
Et pictæ uolucres alia de parte uolabant
Sublapsæ uiridis deserta per æquoris arua,
Floret inaccessis ubi crebrior insula campis
Inde ferunt frondes pedibus cinamoma sequutæ
Non deserturos fruticis spirantis odores.
Ast humeros Bachus syluestri pelle nitentes
Hinulei indutus uentis dat colla, comasq;
Atq; Hedera crines nitidos florente Corymbis
Cinxit, & intortas foliis concusserat hastas.

Pampineosq; mero madidus tum sumere Thyrsos
Iusserat, & uini turba ridebat amœna.
Diuitiasq; soli magnas effudit arenis,
His quoq; sparsit opes circum dum saltat in aruis.
Nunc etiam Arrabiæ ditek odoribus ora,
Totaq; thuriferas circum panchaia frondes
Sustinet, & syluis halant ibi thura Sabæa.
Ac palmis uirides fronde sunt mollibus agri.
Et iuga flauescunt de celsis montibus auro.
Parte alia fluuius flores irrorat odoros,
Humectatq; suas deductus riuulus herbas.
Thuri feras circum spirant & flumina ripas.
Vsq; adeo pingues aruis tenet incola glebas.
Auratoq; uenit circumdata sæmina peplo.
Et trahit eximias spetioso corpore pallas.
Atq; uiri pariter molli cum ueste decori
Luxuriantur agris, & splendida compita circum.
Sed Libano decliue iugum quoq; diuitis arui
Regis arant priscae Nabathæo nomine gentes.
Et prope Chablasii, & amœnis Agrees aruis.
Tum contra Eoas habitatur Chatramis oras
Persidos. At rubris calcant latus æquoris undis
Minnaiq; Sabæ, & proxima rura Sabæis
Et sua prata domant Cletabeni facta ligone.
Arrabiæ celebres populi tot rura frequentant.
Quam alii plures numerosa per arua coloni.
Diffusis Arabum patet undiq; maxima campis
Terra, nec uberibus fructus concesserit ulli.
Deinde tamen sterilis surgit trans æquora tellus.
qua Zephyri molles mittunt sua flamina terris.

Hic habitant saxis latebrosū lītus Erembi,
Obscurasq; iugis, & celsō monte cauernas.
Nam uitam nudi dē fossō in pumice degunt,
Atq; inopes rerum propria sine sede uagantur.
Nigra illis facies & siccū corpus aduſta,
Errant huc illuc miseri de more ferarum.
At non sic Arabes transmittunt tempora molles.
quis sunt delitiæ, & uitæ fœlitiōr usus.
Vsq; adeo rerum non æqua sorte creauit
Vitā hominū, nec opes deus omnibus ipse reponit.
Iamq; super Libanum, qua sol spectatur Eous,
Alterius Syriæ maior producitur ora,
Donec ad undosæ se iungat rura Sinopes.
Huius & in mediis latæ telluris arenis
Cappadoces habitant insignes arte regendi
quadrupes, gyro celeres & uertere terga,
Post etiā Assyrii cani prope gurgitis æquor.
Rura tenent celebris iuxta hostia Thermoodontis.
Auroram uersus summis de montibus unda
Fluminis Eufratæ spumante crepidine currit,
Armeniisq; iugis primum secāt acta sub austrōs
Longior, at rursus tepidas orientis ad auras
Flectitur, & mediam tandem Babylona recepta
Perfluit, ac celeres eructat in æquora spumas,
Persarūq; Salo, atq; ælu miscetur amaro,
Extremisq; uadis allapsa Teredonis aruis
Influit æquoreos mananti gurgite cursus.
Post hunc ad radios Tigris descendit Eos
Vortice spumescens quoq; uelocissimū alto.
Quem non ulla fuga uolucris prauertitur unda.

Delitatus aquis exultat Tigris amœnis,
Aequalemq; sibi cursum contendit eundo.
Is quoq; tam longe procurrat fonte seorsum,
quantum præcinctus septena luce uiator
Iuerit haud ægra celerans uestigia planta.
Quinetiam est mediæ circumflua lympha paludis
Dictaq; Thonitis, cuius se uoluit in ima
Tigris, & undarum sua miscuit ora recessu,
Stagnantum fluuiis inferne mersus aquarum.
Mox tamen egrediens iterum fluit agmine Tigris
Ocyor, & rapidos demittit gurgite fluctus
quo non est alter fluuius uelocior undis.
Nec magis ulla fluunt commoto flumina cursu.
quæcumq; Eufратem atq; inter Tigrin aratur
Tellus, uicinis Mesopotamia colonis
Fertur, ubi mediæ undisonos inter iacet amnes,
Cuius non ullus rideret lata bubulcus
Pascua, nec pinguis damnaret pabula campi
Pastor, qui iunctis solitus resonare cicutis
Capripedis panos numen ueneratur agreste,
Rustica florigero dum pascit ouilia rure.
Nec Sator arguerit uiridis plantaria fructus,
Aut resonis horti circum pomaria riuus.
Materiesq; iugis uarias, arbuta q; syluæ
Laudet, & extollat cantu frondator amœno,
Talis inest aruis adeo cultura serenis,
Quæ simul irrigua florescunt graminis herba,
Et pingunt nitido sibi, florida prata colore,
Irrorantq; suis humentia pascua cliuis.
Hæc etiam sælix pulcherrima corpora tellus.

Producit uultu, formaq; simillima diuis.
Post hanc pingue solum uertunt Aquilonis ad auras
Armenii, & longis Matieni cominus hastis
Pugnaces habitant populi sub montibus altis.
Antecitos fluctus Eufratē fluminis undis,
Atq; idem pingues exercent uomere colles,
Diuitiisq; tument, & sauo Marte periti
Confecisse manu bellum, pugnasq; feroces.
Inde notos uersus Babylon nitet arcibus, & quam
Coctilibus muris cinxisse Semiramis urbem;
Mœnibus infractis narratur & oppida bellis
Muniuisse manu, monumenta q; regia Belo
Imposuisse uiro, & summa super arce locasse
Auroq;, argentoq; simul sectoq; elephanto
Culta procul rosei flammis radiantia solis.
Planitiesq; patet, partesq; uidetur in omnes.
Hic ubi palmarum dependet frondibus arbor,
Atq; alti frutices circum phœnicis amœnæ,
Et densis ramus palmis frondeſcit in aruis.
Hæc quoq; fert aliud nitido pretiosius auro
Berylli uirides aqueæ gemmante lapillos
Splendore in tumulo atq; Ophietide rupe repertos.
At Babylona super pluuias Aquilonis ad auras
Cissi, Meſſabatæ, Chalonitæq; frequentant
Arua. Sed Armenii ſi deſeris ardua montis,
Atq; uiam ire paras præter iuga celsa ſub ortus,
Inuenies ualles, & medica rura, nemusq;
Qua Boream uersus per florida prata leguntur,
Et Geri, Mardi q;, ſimul gens Atropatena.
Hinc quoq; Medorum populi tenduntur ad aſtros

Clæra Acætiados quondam de stirpe creati
 Illustris factis, & nobilis Heroines.
 Actæis olim rippis spumantis Ilissi
 Sederat, & forsân scûis aconita uenenis
 Hic Pandionidæ dira inter pocula dextra
 Miscuerat tristis crudelia munera mensa,
 Victa pudore locum fugiens Medæa recessit,
 Huc illuc tandem uariis erroribus acta
 Contigit illa suo dictam de nomine terram.
 Non procul à Colchis, quanquam non attigit oras
 Colchiacas, nec enim licuit, patris horruit iras.
 Nunc quoq; lætifera tractant mala gramina succis,
 Quis colitur latis proauita potentia campis,
 Ad petras alii Medorum, & saxa fragosa,
 Quæ Narcissiton gignunt sine lumine gemmam.
 Ast alii inter aquas, & amœna uireta uagantur,
 Gramineosq; locos errant, atq; inter odores.
 Vndiq; florigeris arui cinguntur ab herbis.
 qua pascuntur oues nitidæ per pascua campi
 Lanigeræ pecudes et pulchro uellere densa.
 Eos adeo phœbi uertuntur ad ortus,
 Qua non una iugis celsis prope Cassia porta
 Visitur, & sese tollit sub rupibus altis
 Claustra Asiæ terræ fama memorata per orbem,
 qua se uertit iter bina regione uiarum,
 Seu uersus gelidas auras Aquilonis ituris,
 Siue uiam contra pluuios carpentibus austros,
 Seu quoq; ad Hyrcanos, montanaq; Persidos oræ,
 Extrema Parthi crudeli Marte feroces
 Caspiadum inferius portarum rupe frequentant

Testa, quibus feruor belli laudumq; Cupido,
Et neruo celeres intendere fune sagittas
Et docti pugnas, lachrymosaq; bella gerendi
Arte, manuq; fera, & pugnant præstantibus armis.
Nec sulcant agros, nec findunt litus aratris.
Nulla secant motis in puppibus æquora tonsis.
Nulla bouum irriguas pascunt armenta per herbas.
Et teneris arcus pueri meditantur ab annis;
Et neruo volucres torquent stridente sagittas
quadrupedumq; hærent tergo cursuq; fatigant,
Horum terra strepit teli iaculiq; fragore,
Vndiq; missilibus per prata sonora resultat.
Et tremit in cursu properantum campus equorum,
qui pedibus ueluti rapiuntur rure procella
Nec licet ante cibos inueni cepisse decoro
Quàm sæui martis pugna belliq; labore
Aspersus fuerit sudantem puluere frontem,
Conuectare inuat prædas & uiuere raptis,
Sylvarumq; leuem uenatu quærere uictum,
Nutririq; ferox quas abstulit hasta, rapinis.
Sed quanq̃ indomitos & diro Marte frementes
Inuicta Ausonius regnator cuspide fregit,
Iam si fert animus persarum noscere gentes,
Et tantæ forsân dulcedine duceris artis,
Et genus hoc chartis aduerte docebo disertis,
Ac iuga celsa canam tractu fluuiosq; perennes.
Soli inter populos Asia gens regia persæ
Et ueterum priscis memorata potentia regnis
Accumulauit opes patriasq; redegit in aulas
Mæoniæ populata domos, & Sardias arces

Deiecit, latis sonuit uictoria pennis.
Arma uirum nitidis splendescunt aurea membris,
Aurea frena ferox sonipes sumante sub ore
Mandit, & auratis populus talaribus intrat,
Diuitiis adeo exuperant opibusq; superbis.
Persica sit facito circumdata montibus ora.
Tendit iter magis ad furiosos flatibus austris
Cassiadum a portis & Amazonis arce recedens,
Quodq; suum nomen seruat porrecta sub æquor
Alitur patriis prope littora curua procellis.
Se fecat in ternas sedes habitabilis oras;
Vn tamen secum uariis diuisa colonis.
Ergo sub Arcadicas ursas septemq; triones
Ruratenent alii Medorum subdita celsis
Montibus umbrarum frigus præbentibus aruo,
Qui gellant arcus telis pharetramq; sonantem.
Hi melio terræ, illi hinc æquor ad usq; uadosum
Ad proiora noti tendunt se flamina campis.
Prima S bæ rasiris, post rura pasargada uertit,
Tum prope culta tenent etiam uiridaria Tasci.
Et qui rur colunt diuisaq; perfidos arua.
Læta rigat campos qua flumina gurgite pingui
Huc illuc per agros curuis errantia riuus.
Hinc Corus xuperans illinc montana Choaspis
Vnda secat fructus, deuoluitur indicus humor,
Susaq; Persarum diues præterfluit arua.
Illius ad rippa gemmas uariantis Achatæ
Signa, uelut nuda Cylindrum rure iacentem
Assitias, summa quæ uoluit rupe fragosus
Per ualles resonant hyberno flumine torrens.
Hic etiam suauimæscunt flumine fructus

Condensiq; uirent ac rident omnia campis.
Respice iam reliquos tractus Asiatidos oræ,
Qua uenit in roseis nascens aurora quadrigis,
Est iuxta extremæ persarum terminus oræ,
Atq; prope oceani fluctus, & perfidos æsum
Sub matutino Carmani sole tepefcunt
Nec tamen a persis disiuncti rure colonis.
Nam circa binis habitarunt oppida terris.
Hi ponti litus circumq; supraq; frequentant.
Ast illi in medio posuere cubilia terræ.
Inde sub auroram Gedrosia tenditur ora,
Quæ iuxta oceanum uidet ire per squora cetos
Immanes circum, balenarumq; prementem
Terga iugis alto Neptunum gurgite ponti.
Deinde Scythæ propius degunt orientis in aruis
Iuxta Indi fontes nimis inclinantur in austrum,
Verum Indus ponti resonat contra squora rubri.
quæ rapidus ssumat non se capiente liquore.
Et recte tumidos fluctus contorquet ad austrum.
Caucaseis oritur primum de montibus altis.
Binaq; diducens Nyssæis hostia campis,
Quorum intra liquidas circum fluit insula ripas
Insula quam claro patalenen nomine dicunt,
Innumeras indus dirimit quoq; flumine gente,
Nempe sub occiduum qua se Titana remittit
Terra situm montis iuxta iuga paropanesi,
Oretasq;, Arabasq;, atq; uno nomine dictos
Barbaricas gentes Arianos atq; Arachosa
Non usquam glebæ sulcantes arua feraci,
Sed tantum siccas calcant telluris arenas,
Oppletumq; solum sentes, spinetaq; claudunt,

Et densis circum uirgulta sonantia syluis.
Suppeditat tamen his uitæ non dignior usus
Præmia sufficiens tellus optata labori,
Donat opes alias siquidem non indiga rerum,
Æternumq; refert mansuro munere uictum.
Vndiq; Coraliis gemmæ rutilantibus ardent.
quas pariunt uenæ passim sub rupibus atræ;
Laminaq; emittit flammæ aurata Saphiri,
Cœruleosq; refert inter lapis ipse colores,
qui inter corallium pariter splendet arena.
Has igitur scindunt gemmas nitidosq; lapillos
Ac pendunt pretium, uitæq; alimenta ministrant.
Tum quoq; coraliis rubeis natura remansit,
Aerioq; nites pretiose Saphyræ colore,
Auriferis lapides miscetq; corallia gemmis.
Ad matutinas phæbi surgentis arenas,
Tunc aperit uirides agros, camposq; patentes
Lætæ situ nitidis & amabilis aruis
Cunctarumq; orbis terrarum extrema recessum
Indorum oceani tellus prope littora curua.
Quam primum incendit Titan ardentibus aëtris,
Cum ueniens reuehit Diuumq; hominumq; labores.
Sunt igitur terræ nigri, fuscique coloni
Vincta modis oleo labenti corpora miris.
Cœruleasq; ferunt, capiti similesq; Hyacintho
Pingue comas tinctas, crinemq; liquore madentem.
Hic alii effodiunt auri primordia uenis.
Exquirantur opes iturq; in uiscera terræ,
Vnde cauant glebas, & frustra nitentis arenæ
Ac fodiunt curua ruptura ligone cauernis
Æra. Alii laudant telas, ac linea texta.

Pars niueos radit dentes sectumq; elephantum.
Pars petit & fluxii cursus, & marginis undas
Sicubi Berylli gemmas nitidumq; Adamanta;
Seu pellucentem fului splendoris Iaspim,
Seu pura ignitos lapides quoq; luce Topazii.
Siue Amethysson aquas imitatum suauē rubentem
Inueniat. Tot flumen opes, tot rura recondunt.
Irriguumq; solum fluuiis riuoq; perenni.
Vdaq; terra uiget circum liquentibus undis.
Hic tibi prata comis, hic floribus arua uirescunt.
Crescit agris illic miliumq; lobæq; racemi,
Vnde rubente procul fronde scit arundine sylua.
Iamq; aduerte, tibi formam Gangetidos oræ
Et fluuios montesq; canam, pulsataq; uentis
Culmina, Dehinc populos, habitataq; mœnia terris.
Quattuor ad latera est tellus porrecta suprema,
Cuncta per obliquas tamen hæc producit arenas;
In spetiem Rhombi sese formauit ubiq;.
Hesperii Indus primum conterminus undis,
Diuidit, & fluuiio terras se iungit eoas.
Mox australe latus rubri prope gurgitis æsus
Excipit. At Ganges auroræ separat undas.
Ipse Lycaonias accedit Caucasusursas.
Hæc degunt intra densæ latera ardua gentes,
Ac numerosa soli locupletes arua frequentant
Vnius terræ uario sed nomine dictæ.
Discretæ siquidem sedes habitantur utrinq;.
Dardanees Indum primi prope flumen aquosum.
Hic ubi Cornigerum manantem rupibus altis
Veliuolis undis Acesinen lambit Hydaspes,
Ac recipit curuas in sese fluminis oras.

Tertius hinc serpit Cophes argentifer amnis,
Quos inter colit alta Sabeæ, & Toxilus arua,
Et Scothii deinceps, gentesq; sequuntur agresles
Peucaleum, post hos Dionysi feruida pubes
Gargaridæ sacri, nitidas qua uoluit arenas
Auriferas implens pretioso gurgite ripas
Hinc Hypanis uehemens, illinc undosa Megarsi
Ripa furit, quorum rapidus non impetus ulli
Viribus atq; æstu sæuo concesserit amni,
E modi celso labuntur flumina monte,
Et latis circum rapiuntur concita campis
Ipse Megarsus, & ipse Hypanis Gangetidos oræ,
Inde notos uersus flectuntur Colidos oræ
Circa extrema iugo, & curuato gurgite rura,
Montis inaccessis auibus quæ surgit eois
Culminibus summi Colchorum terra remota,
Oceaniq; latus porrecta inclinat in æquor,
Vnde solum gentis dixerunt nomine aornon.
Est locus ad Gangem, pulchras Gangetis & undas,
Quiq; situ miro prætendit florida præta,
Religione sacer, uenerandus & omine læto.
Cuius & iratus quondam calcauit arenas
Bachus, ubi Thyadum molles in scuta ferocis
Martis, & in clypeos, medios umbonis & orbes
Nebrides, & pelles ceruorum corpore iunctæ
Ibant in ferrum, Thyrsiq;, & mollior hasta
Concita pugnabat, seseq; in terga draconum
Cingula mutabant, hederæq; horrente corymbo,
Sic apium lentum, sic curuis Pampinus hastis.
Cum Bachî quondam temerassent festa chorais,
Et temere nati risissent sacra tonante.

Hinc quoq; Nyssæam pugnam, Nyssæaq; castra,
Nyssæumq; simul dixerunt nomine bellum.
Fecit iter Bachus quod quondam Gangis ad arua,
Atq; Indis Martis simul intulit arma superbis.
Rite tamen coluit posthac gens orgia Bachi,
Et cum prole sua celebrarunt festa choreis.
Vtq; nigros populos indorum Marte subegit,
E modiq; iugis superauerat ardua montis
Victor ouans circum, quorum sub uertice late
Ingens oceani fluctus feruescit eoi,
Hic statuit solido binas ex ære columnas
Iuxta deuictæ Gangetidos ultima terræ
Littora, dehinc lætus uincenti laude triumphum
Ad patrias duxit plaudenti flumine ripas
Ismeni uictor curru spectatus in alto.
Totq; adeo gentes habitant hæc arua supremæ.
Deniq; uel terras uel littora curua pererrant
Innumeri populi Zephyriq; & gentis eoq;
Quos adeo certe nunq; narrauerit ullus
Mortalis. Nam sola potest hoc turba deorum.
Vos dii uos noſtis, uos & memorare potestis.
Vos orbem terræ, uos & primordia mundi,
Atq; globum cæli duxistis & omnia circo,
Syderaq; & stellas ignis, fecistis & illas,
Quas caninus gentes, & celsi gurgitis undas,
Et quæ sine carent Neptunia regna per æquor,
Oceanumq; uadis immensum littora circum.
Oſtendistis iter, qua tenderet ardua rerum,
Et sine fine uia, & qua magnus uorticis æſtus
Iret, & ad metas uix unq; tenderet ulla.
Vos ſtabilem rerum faciem, uos organa uitæ,

Atq; elementa dei, signastis & ætheris ignes,
 Et uos astra suo iussistis currere motu,
 Et pariter uolui resonantibus orbibus axis.
 Ut regerent adeo uos inferiora supernis
 Sorte datis uos ut uires quoq; singula cælo
 Demittant terris late & super æquora ponti.
 Sors astris igitur terræ concessa marisq;,
 Quælibet ergo sui naturam suslinet astris,
 Et sortitur humus pariter, uariataq; rerum
 Forma subest, Hæc alba, & candida terra relucet.
 Nigrior illa tamen, spectiesq; hæc prabet utraq;.
 • Deinde alia Assyriæ miniiq; rubore uidetur,
 Et similis rubeis peregrini floribus arui.
 Deniq; diuersis aliæ sua rura colorum
 Depingunt rebus, sic magnus Iuppiter egit.
 Sic alterna uiget semper natura per orbem,
 Et diuersa dedit meta mortalibus una
 Vos uero terræ uos mœnia nota ualete;
 Tuq; uale æquoreo memorabilis insula ponto,
 Et quæcunq; mari fundastis littora glebæ.
 Vos undæ oceani, sacriq; sub æquore fluctus,
 Et fluuii, & fontes gelidi, & iuga celsa ualete.
 Vos etiam montes, saltus, uallesq; recuræ,
 Vos umbræ nemorum, & syluæ, & spinetæ ualete.
 Nam iam totius penetraui littora ponti,
 Perq; mare, oceaniq; uias, & hincq; cucurri,
 Atq; omnis terræ positus, curuosq; meatus.
 Vos grates tantum fœlitiæ numina cæli
 Dignas ferte mihi, uos præmia digna laborum.
 Venetiis per Bartholomeum cognomento Imperatorem: &
 Franciscum eius generum, Anno M. D. XLIII.

Handwritten text, likely a list or index, written in a cursive script. The text is arranged in approximately 25 horizontal lines. The ink is dark, and the paper shows signs of age and wear. The text is mostly illegible due to fading and the cursive nature of the script. The lines are roughly as follows:

1. [Illegible]
2. [Illegible]
3. [Illegible]
4. [Illegible]
5. [Illegible]
6. [Illegible]
7. [Illegible]
8. [Illegible]
9. [Illegible]
10. [Illegible]
11. [Illegible]
12. [Illegible]
13. [Illegible]
14. [Illegible]
15. [Illegible]
16. [Illegible]
17. [Illegible]
18. [Illegible]
19. [Illegible]
20. [Illegible]
21. [Illegible]
22. [Illegible]
23. [Illegible]
24. [Illegible]
25. [Illegible]